

文

通

文通

丹徒馬建忠

實字卷之三

主次三之一

次者，名代諸字於句讀中應處之位也。次有四：曰主次，曰偏次，曰賓次，曰同次。今次其用於左。

一主次

凡句讀中名代諸字之爲止詞起詞者，皆居主次。已詳於前。間有名字不爲止詞起詞，而亦歸入主次者，有三：一凡呼人對話者，泰西古語名字，因次而變。凡呼人之名，別爲一次。今之方言，其名不變者，呼人之次，概列主次。凡稱人，或本名，或公名，無常。

而其位先呼後語者爲多呼於後者變例也

論而今而後吾知免夫小子小子者曾子呼弟子之公名也

又賜也非而所及也賜也孔子呼子貢之名東方朔傳昔伯

姬矯而諸侯憚奈何乎陛下陛下公名也留侯世家孺子下

取履孺子者呼之也定十四年夫差而忘越王之殺而父乎

夫差本名也傳三十二孟子吾見師之出而不見其入也孟

子本名也平原君列傳公相與飲此血於庭中公公名也逍

遙遊歸休乎君君亦公名元帝紀書微子乎子真安而樂之

者微子本名也李將軍列傳霸陵尉呵止廣騎曰故李將

軍故李將軍者乃應對之名猶云來者爲誰應之曰乃故李

將軍也。蓋表詞也。

二凡慨歎而呼及名字者。

帝曰咨汝義和義和本名因嘆而稱及也。詩噫嘻成王

成王本名。文元曰呼彼夫宜君王之欲殺女而立適也役夫

者呼而詈之之名也。匈奴列傳土室之人。顧無多辭。土室

之人公稱也。莊頤列傳何見之晚也。君者因嘆而稱之

也。楚策嗟乎子乎。楚國亡之日至矣。子乎亦因嘆而及之。公

名後助以乎字者。以鳴不平也。凡茲引稱諸名。皆以發其慨

嘆之辭。上節所引有惟呼以對語者。此兩者之微有不同也。

三凡題書名碑記者。

陸賈傳號其書曰新語，新語書名，今在句中，與其書同次，若但曰新語，以額書名，則可視同主次。三國志諸葛亮傳諸葛氏集目錄後錄二十四篇，此傳內記諸葛氏所著之書，黃摩廬碑題曰湘夫人碑，又額曰虞帝二妃之碑，總之書名碑記，以弁於書碑之首者，皆可視同主次。

偏次三之二

二偏次

凡數名連用，而意有偏正者，則正者後置，謂之正次，而偏者先

置謂之偏次、偏次之用不能枚舉、

有以言正次之所屬者、

秋水且吾嘗聞少仲尼之聞而輕伯夷之義者、猶云仲尼所

有之聞、伯夷所有之義也、故其聞屬於仲尼、其義屬於伯夷

也、賈誼傳元王之子、帝之從弟也、猶云元王所有之子、即帝

所有之從弟也、亦此屬於彼之意、
淮陰侯列傳夫臣所養之

役者、失萬乘之權、守儋石之祿者、失卿相之位、萬乘之權者、

王侯所有之權也、卿相之位者、公卿所有之位也、
孟仲尼之

徒無道桓文之事者、義與上同、
貨殖列傳耳目欲極聲色之

好、口欲窮芻蕘之味、
猶云聲色所關之好、芻豢所有之味也、

有以言所有之度數者

貨殖列傳夫千乘之王、萬家之侯、百室之君、尚猶患貧、而況匹夫編戶之民乎、千乘萬家百室者、以別王侯君公國之大、小也、王尊傳一郡之錢、盡入輔家、一郡者以言錢之多也、叔孫通傳千金之裘、非一狐之腋也、千金者言裘之價也、梅福傳秩以升斗之祿、賜以一束之帛、升斗言祿之度、一束言帛之數、平原君列傳毛先生以三寸之舌、解於百萬之師、三寸言小、百萬言多、皆度數也、

有以言其形似者

宣四是子也、熊虎之狀、而豺狼之聲、言狀如熊虎、聲如豺狼

也。屈原列傳：秦虎狼之國，不可信，不如無行。言秦國如虎狼也。法能禁雖有軒冕之賞，弗能勸；斧鉞之威，弗能禁。言賞以軒冕，威以斧鉞也。伯夷列傳：非附青雲之士，安能施於後世哉？言士如青雲之高也。

有以言其地者：

賈誼列傳：秦孝公據殽函之固，據雍州之地，殽函言所據之固，雍州言所據之地。匈奴列傳：嗟，士室之人，顧無多辭。士室者，言其處也。凡春秋所言齊侯、魯侯、晉侯、吳子者，皆此類也。有以言其時者：

徐無鬼：庶人有旦暮之樂，則勸。曰：暮者，言業之時也。荀子：榮

屏篇行其少頃之怒而喪終身之軀少頃終身皆言時也。趙
光國傳蕭三十日食三十日者言所齋之糧可食三十日言
其時也。

更有言其故其分其效者總之凡名字之用非正意者皆先置
而爲偏次也。

偏正兩次之間之字參否無常惟語欲其偶便於口誦故偏正
兩奇合之爲偶者則不參之字凡正次欲求醒目者概參之字
孟天時不如地利地利不如人和猶云天之時地之利人之
和也而偏正各次皆奇合而爲偶故不參之字便於口誦又
既竭目力焉既竭耳力焉其事則齊桓晉文如以朝衣朝冠

坐於塗炭君十卿祿又天位天祿天爵人爵冬日夏日鼎肉
與薪等語偏正字奇皆不參之字應帝王無爲名尸無爲謀
用無爲事任無爲知主又越世家毋爲忠府毋爲禍梯以上
所引偏正兩次皆奇字也而偏次之用一如靜字合於正次
以成一語故不參之字也孟仁之實事紀是也義之實從兄
是也仁義實三奇字此言仁義之實欲其醒目故參之字又
禹之聲尚文王之聲禹之聲其義同上左傳晉之惡也孤之
傾也又參之內將在西軍可得食乎其義同上若在句中偏
正兩奇而與動字介字相連者概參之字以四之孟子君之
惡其罪小左君之惡其罪大君惡兩奇字上連長字參之字

以四之、又以兄之祿、爲不義之祿而不食也、以兄之室、爲不義之室而不居也、兄之祿、兄之室、上連以字、則四矣、又、大則弱口之力而後宿哉、日之力解同上、又、而居堯之宮、運堯之子、是築也、非天與也、亦同上、同身、傳寡人之妻、孤人之子、獨人父母人之妻、上合寡字、人之子、上合孤字、皆以四之、故獨人父母一句已四矣、不加之字、淮陰侯列傳漢王復與吳而東、侵人之分、奪人之地、人之分、人之地、同上、游俠列傳解沛子負解之勢、與人飲、使之醉、非其任、還必滿之、解之勢解如上、諸上所引、凡參之字者、雖爲偶語、計而亦所以使正次之、字更爲醒目也、至惻隱之心、仁之端也、羞惡之心、義之端也、

猶云仁德中之一端、義德中之一端、必參之字、正義方明、
又或偏次字偶、而正次字奇、與偏次字奇、而正次字偶者、概參
之字以四之、其或偏正兩次皆偶者亦然、不參者、非常例也、
偏次字偶、正次字奇者、孟子三里之城、七里之郭、封疆之界、
山谿之險、兵革之利、由百世之後、等百世之王、三年之喪、齋
疏之服、醴粥之食、顏色之戚、哭泣之哀等語、不可僕數、天造
聖人之心、靜乎、天地之望也、萬物之境也、叔孫通傳千金之
裘、非一狐之腋也、惠樹之楸、非一木之枝也、三代之際、非一
士之智也、又豈狗馬之糞、匪耳目之欲、行邪枉之道、經涇辟
之路、是乃國家之大賊、人主之大戕、齊策夫權諸者、萬物之

卒也。而時事者，百事之長也。以上皆參之字以四之也。

偏次字奇而正次字偶者，孟夫仁，天之尊辭也，人之安宅也。

大人偏次字奇，其正次字偶，參之字以四之。又子之兄弟事

之數十年，又夫與子偕以爲人之親，其兄之子爲吾親其鄰

之赤子乎？又，今有愛人之牛羊，而爲之牧之者，又太甲顧履

湯之典型，又國國之大禁，諸所引子之兄弟，鄆之赤子，人之

牛羊，湯之典刑，國之大禁，皆參之字以四焉。左傳民之情偶。

盡知之矣。又費之北土，馬之所生，又鄭人忽君之疆場等語，

亦此類也。

至正偏兩次皆偶者亦然。孟子之後，長河前漢。孟子與後

喪偏正兩次皆偶亦參之字所以別也又不告於王而私與之吾子之爵祿吾子之爵祿同上又下歲之日至可坐而致也又一鄉之善士與天下之善士又居天下之廣居立天下之正位行天下之大道等語皆此例也商君列似千人之謠謠不如一士之謠諸諸謂謂狀字而用如名者緯非列傳凡說之者在知備所說之所敬所說所敬有偏正之意用如名字前已言矣坤神書高祖之微時殺大蛇成三三代之令主皆敬百年保天之祿叔孫通傳叔孫通誠利人也知當世之要務汲鄭列傳上不能盡先帝之功業下不能抑天下之邪心祭十二郎文雖萬乘之公相吾不以一口輕汝而就也

上引四節內偏正次偶者皆參之字

十二諸侯年表序上大夫董仲舒推春秋義頗著文焉不曰

推春秋之義封禪書其後百有餘年而孔子論述六藝傳不

曰六藝之傳平準書咸陽齊之大煮鹽孔僅南陽大冶皆致

生千金不曰南陽之大冶蕭相國世家以同其得聚國書也

不曰秦之圖書張傳之列傳人之無道乃諸先帝廟器不曰

先帝之廟器漢書禮儀志陸生爲飲食民不曰飲食之費東方

朔傳又壞人家墓發人室廬不曰人之冢墓人之室廬淮陰

侯傳臣請書大王功罪不曰大王之功罪李斯傳列傳齊欲

上書報天子軍曲折不曰軍之曲折陸賈傳爲社稷計在兩

君掌握耳。不曰社稷之計。兩君之掌握者。大率偏正諸次。合井上下文字已偶矣。如加之字。又復數奇。如爲稷社計。發人室廬。爲飲食費。秦圖書也。推春秋義等語。皆四字矣。詞意頗足。故不加之字。至如報天子軍曲折。論述六藝傳等句。不間之字。語方遒勁。

等句也。史記有之字。而漢書故刪去者。指不勝屈。今錄數則以示一斑。學者可自證也。史記云。夫陛下以一人之譽而召臣。以一人之毀而去臣。臣恐天下有識者聞之。有以聞陛下也。漢書云。夫陛下以一人譽召臣。一人毀去臣云云。史記云。且僕楚人。足下亦楚人也。僕游揚足下之名於天下。顧不重。

耶、漢書云、且僕與足下俱楚人、使僕游揚足下名於天下、顧不美乎、史記云、夫以一趙尙易燕、况以兩賢王左提右挈、而責殺王之罪、滅燕易矣、漢書云、而責殺王罪、滅燕易矣、史記云、此亦天亡秦之時也、漢書云、此亦天亡秦時也、史記云、陳餘爲將、將卒數萬人、而軍鉅鹿之北、此所謂河北之軍也、漢書云、陳餘將卒數萬人、軍鉅鹿北、所謂河北軍也、史記云、宋義論武信君之軍必敗、漢書云、宋義論武信軍必敗、由是觀之、之字加否無定例、漢書刪改史記數字、則成漢文、此筆削之妙也、

若如偏次平列多字、字數皆偶、而正次惟一奇者、概加之字以

爲別正次字偶者則無常焉

孟子謂棺槨衣衾之美也。棺槨衣衾兩偏次平列。猶云棺槨之美與衣衾之美也。美字奇而用如名者。今爲正次前加之。字以白別也。又孟子管仲晏子之功。獸蹄鳥跡之道。悅周公仲尼之道。楊朱墨翟之言。豈不欲有夫妻子母之屬哉。無城郭宮室宗廟祭祀之禮。是含箠食豆羹之義也。雞豚狗彘之畜等句。皆此例也。平準書而山川國地市井租稅之入自天子以至於封君湯沐邑皆爲私奉養焉。毛穎傳自結繩之代以及秦事無不縶錄。陰陽卜筮古相習方族氏山經地志字齊國書九流百家天人之書及玉浮圖老子外國之說皆所

詳悉十二諸侯年表序及如荀卿孟子公孫固韓非之徒各
往往摭庶春秋之文以著書。蕭相國世家諸將皆爭走金帛
財物之府分之何獨先入收秦丞相御史律令圖書藏之。又
漢王所以具知天下阨塞戶口多少疆弱之處民所疾苦皆
以何具得秦圖書也。臣二朝號召止之毛。張中漢漢之業在
有篇於是乎天下始肅詰卓鸞而後有晉史榮詒之行。禮書
是以君臣朝廷尊卑貴賤之序下及黎庶車輿衣服宮室飲
食嫁娶喪祭之分事有宜違物有節文。東方朔傳徵天下舉
方正賢良文學材力之士趙世家鋈服騎射以備燕三胡秦
韓之邊答侯繼書至於禮樂之數陰陰土地星辰方策之書

未曾一得其門戶。以上所引皆正次一字而偏次平列者各參之字以別也。

孟秦楚之堅甲利兵。偏次偶而正次四字平列。參以之字以相別。又王子宮室車馬衣服多與人同。王子偏次。其正次三耦平列。又不參之字矣。十二諸侯年表序七十子之徒口授

其傳指爲有所刺譏張諱他損之文辭不可以書見也。文辭

正次字偶。其偏次四字先之間以之字。應科目時與人言蓋

非常解凡介之品彙匹侔也。常鱗與凡介皆偏次平列。合成

四字。其正次亦然。中間之字。文氣方不促也。而齊策夫鴛鴦

女子筋力骨勁。非賢於騶驥孟賁也。猶云鴛鴦女子之筋力

骨勁也不間之字而句意亦明。陸賈傳足下中國人親戚昆弟墳墓在其定。不曰親戚昆弟之墳墓而語氣更足故正次字偶者之字加否無常要以便於口誦爲則耳。

有兩三偏次轉相屬者之字參否無定大約諸次字奇者概參之字奇偶不一者無定例也。

檀弓南宮偁之妻之姑之喪。前三名皆偏次遞轉相屬其後各加之字以爲別而經藉中如此句法實所罕見。孟齊東野

人之語。猶云齊東之野人之語。前兩偏次遞屬不參之字。魏其傳魏其侯竇嬰者孝文后從兄子也。猶云孝文后之從兄之子也。又所錄換多有出仿賓客對笑。猶云出蚡之賓客之

計筴也。雷光傳今丞相用事，縣官信之，盡變易大將軍時法令。猶云大將軍之時之法令也。刺客列傳得趙人徐夫人匕首，猶云得趙人之徐夫人之匕首也。游俠列傳解姊子有解之勢，與人飲，使之嚼，非其任，強必灌之。猶云解之姊之子也。上引五節兩偏次與正次皆輾轉相屬，皆無之字爲間，而句意亦明。此古人用筆簡潔，若今人正次之先，必加之字曰孝文后從兄之子，田蚡賓客之計筴，大將軍時之法令，趙人徐夫人之匕首，解姊之子，則文氣弱矣。張釋之列傳其後有人盜高廟坐前玉環，猶云高廟坐前之玉環。張中丞傳後叙又不載雷萬春事首尾，猶云雷萬春事之首尾。所引兩節三次

遞屬皆不參之字義與上同

凡言約分母數偏次子數正次若母子皆名者概參之字母爲名字而子爲靜字或爲代字與母子皆非名者之字加否無常例也

孟則隱之心仁之端也蓋惡之心義之端也辭讓之心禮之端也是非之心智之端也仁之端者猶云仁德中之一端也仁爲母而端爲子故參之字以有別也餘同何奴列傳何奴人衆不能漢之一郡漢之一郡者漢郡中之一郡也又乃解圍之一角圍之一角者四圍之一角也皆約分也律歷志一月之日二十九日八十一分日之四十三猶云月行日道一

週合當二十九日，又一日八十一分中之四十三分，即謂一日分爲八十一分，而白道一週合當二十九整日，又日之四十三分也。四十三分者，數名也。今爲子，日爲母，中間之字以別之。孟樂正子二之中，四之下也。兩約分皆靜字也。中間之字，又其實皆什一也。猶云什分中之一。母子皆數，不參之字。凡約分子母皆數名者，詳後。平準書輸其家半助邊，家半者，家產之半也。家名而母也。半者，靜字而爲子也。不參之字，其義亦同。

又約分母爲名而子爲約指代字者，前已詳矣。子爲接讀代字者，則之字參否無定。文十三清東人之能與二三有可言

吾與之先東人母而名也能與二三有司言者接讀代字也猶云請東人中之能若是者中間之字以爲別大宛列傳而立宛貴人之故待遇漢使善者名昧蔡以爲宛王猶云宛貴人中之善遇漢使者也亦加之字以爲別也平原君列傳與食客門下有勇力文武備具二十人偕猶云與食客中之二十人偕也不參之字魏其侯傳舉適諸竇宗室母節行者除其屬籍諸竇宗室中之母節行者又汲鄭傳賈人與市者坐當死者五百餘人猶云賈人與市者中坐當死者五百餘人高帝紀徒中壯士願從者十餘人猶云徒中壯士之願從者也原文皆不參之字其辭義亦不因之而晦

賓次三之三

三賓次

名代諸字凡爲動字之止詞與爲介字之司詞者則在賓次已詳言矣又句讀中凡名字用以記地記時記價值記度量記里數類無介字爲先者皆可視同賓次今且臚證於左

記地之式有四一所在之地二從來之地三所經之地四所至之地史籍中記所在之地與所至之地間無介字爲先故所記之地列於賓次

大宛列傳天子始種苜蓿蒲陶肥饒地肥饒地者記所種之地也猶言種之於肥饒之地今無介字以先之肥饒地祇同

寶次

張耳陳餘列傳項羽爲天下宰不平，盡王諸將善地，徙

故王王惡地，善地惡地者，猶言王之於善地惡地也。刺客列

傳見燕使者咸陽宮，咸陽宮猶言見之於咸陽宮也。項羽本

紀於是楚軍夜擊坑秦卒二十餘萬人新安城南，新安城南

者，坑之於新安城南也。逆逢游立之塗，匠者不願立之塗者，

立之於塗也。以上所引皆記所在之地也。

游俠列傳及徙豪富茂陵也。解家不中當徙豪富茂陵者，猶

言徙之於茂陵也。此記所至之地，亦無介字爲先。高帝紀高

祖以亭長爲縣，送往驪山，送之於驪山也。

他記地之式有介字動字爲先者，無庸贅論。記時之式有四

一事成之時、二既往之時、三幾時之久、四未來之時、凡此四時、類無介字爲先、故亦列於賓次、

庚桑楚南榮楚獻糧七日七夜、至老子之所、七日七夜、記路程之久、徐無鬼不聞夫越之流人乎、去國數日、見其所知而喜、去國旬月、見其所當見於國中者、及期年也、見似人者而喜矣、數日旬月期年等語、皆記去國之久也、傳二十八晉侯在外十九年矣、而果得晉國、十九年者、記既往至今之時也、李斯傳秦之乘勝役諸侯、蓋六世矣、六世者、記自往至今之時也、養生主、今臣之刀十九年矣、所解數千牛矣、而曰刃若新、發於佩、十九年者同上、李廣傳將軍其率師東轅彌節

白檀以臨右北平盛秋、盛秋者、論以日後師至之日也、賈誼
傳是時賈生年二十餘、最爲少、是時與二十餘者皆記時也
迤迤游適百里者宿春糧、迤千里者三月聚糧、宿與三月皆
記聚糧之久也、張釋之傳、張廷尉事景帝歲餘、歲餘者記所
事之久也、傅常等傳、元始中、條功臣不以罪絕者、元始中記
其時也、至如春秋之紀年月日、與傳中之追記一事而言初
者、皆記其時也、論語之二年有成、爲邦百年、教民七年、則記
始終成事之久、經史記事所在皆有、皆無介字爲先、故以列
於寶次、

又記地、記時之語、率用上下左右內外中間邊側等字、綴於地

名人名時代之下概無介字爲先蓋上下內外諸字卽所以代介字之用故泰西文字遇有此等字義皆爲介字

陸賈傳居蠻夷中久殊無禮儀蠻夷中言所處之地又馬上得之尙可以馬上治之乎其一馬上者言其處也又陸生以此游漢廷公卿間問者同上叔孫通韓何足置之齒牙間問者同上又爲絲枲野外習之野外者亦言處也書張中丞傳後叙位本在筵上投之柄而處其下巡上其下者皆指所處之位也齊策臣之所聞攻戰之道非師者雖有百萬之軍北之堂上雖有闔閭奠起之將禽之戶內千丈之城抄之奪組之間百尺之衝折之衽席之上曰上曰內曰間曰上者皆言

其所也。魏其傳所賜金陳之廊廡下。又屏居薜田南山下兩
言下皆指其處也。匈奴傳天子自將待邊。邊字單用亦記地
也。張耳陳餘列傳遣人追殺王姊道中。道中者指其處也。淮
陰侯列傳斬成安君泚水上。泚水上者記地也。魏公子列傳
公子起爲壽侯生前。侯生前者指處也。刺客列傳卒於邑悲
哀而死政之旁。政之旁言死之所也。逍遙游云郊之南有其
靈者。又云窮髮之北有冥海者。又云翔翔蓬蒿之間。又云往
見四子藐姑射之山。汾水之陽。南北間山陽諸字皆指其所
也。徐無鬼久矣夫。莫以眞人之言警效吾君之側乎。側者亦
指處也。張儀傳上親拜禹牀下。牀下者指其處也。外戚傳手

青對陸者。對牘背者記手書之處也。路溫舒傳。種楚之下。何求而不得。下者指其處也。送楊少尹序。子時公卿設供張祖道都門外。外者亦指其所也。秋水。我知之濠上也。濠上。記地。莊子傳。一歲中往來過者。卒不過再三過。一歲中者。猶云於一歲之中也。王守傳。一彈之身。三期之間。乍賢乍佞。豈不勝哉。三期之間。亦言其時之久也。庚梁楚。千世之後。其必有人與人相食者也。千世之後。指將來之時也。新修廣王問。記數日之間。而人自得於湖山千里之外。數日之間。同上。成十。言恃其陋而不修城郭。決辰之間。而楚克其三都。無備也。夫。決辰之間。亦同上。送殷員外序。酒半云云。酒半者。宴會之中也。

以上所引中外開後半諸字皆以記時而無介字先之者

秋水莊子與惠子游於濠梁之上濠梁之上記地而先以於

字爲介廣桑楚吾語汝大亂之本必生於堯舜之間堯舜之

間記時澠鄒傳質責湯於上前上前記其處平原君列傳公

相與歎此血於堂下堂下者指其所以上引用上下間等字

皆記地記時更以介字先之者

凡記價值度量里數之文皆無介字爲先故以列於賓次

田子方背逡巡足二分垂在外二分者言足垂石外之度也

逍遙遊請買其方百金百金者言買方之價也陸賈傳賜陸

生橐中錢直千金千金言橐金所值之價也東方朔傳朱儒

長三尺餘，奉一囊，粟錢二百四十，三尺一囊與二百四十凡
皆言度量也。霍光傳長財七尺三寸七尺三寸，言身度也。晏
子列傳今子長八尺，乃爲人僕御，八尺者亦言身度也。連生
孔子觀於呂梁縣水三十仞，流沫四十里，三十仞言度，四十
里言里。十二諸侯年表序齊晉秦楚，其在成周微甚，封或百
里，或五十里，百里五十里，言所封之里數。馮唐傳且雲中守
魏尚，坐上功首虜差六級，六級者言所差之度。魏其傳生平
毀程不讎，不直一錢，一錢者言所值也。貨殖列傳自汧雍以
東至河華沃野千里，千里者言沃野之里數也。李廣傳未到
匈奴東二里所止，二里所者二里餘也，言相間之里數也。留

侯世家父去里所里所同上文鴻漁志水適至隄半記出地

上五尺所五尺所言出地之度也方國偉臣前部士入山伐

六木大小六萬餘枚皆在水沿六萬餘枚言伐木之數也廉

頗列傳廉頗爲之一飯斗米向十斤殺甲上馬以示可用斗

米肉十斤者言所食之量也大列傳烏孫在大宛東可二

千里二千里者言相去之里數也又按弦者可三十萬三十

萬記數也前侯世家爲鎡難重百二十斤百二十斤記量也

外戚傳昏夜平善鄉晨傳紛起固失衣不能言豈漏上十

刻而崩十刻者記漏度也賈山傳又有阿房之殿殿高數十

仞東西五里南北千步數十仞言高度也五里千步言廣袤

之度也。又通廣五十步、三丈而樹、五十步、廣度也。三丈者相
間之度也。上引諸書、或言價、或言度量里數、皆無介字爲先
者、故以列於賓次。

更有名字不爲起詞、而置先動字、或言所事之緣由、或言所用
之官、或狀形似者、皆可視同賓次。

臨賈傳過病免家居病者、因病而免、言免之緣由也。家者言
所居之處、狀其居也。病家二字、名也。而各在免居兩動字之
先、旣非起詞、故視同賓次。留侯世家陛下輕士善罵臣等莫
不受辱義者、言不受辱之故也。餘同上。商君列傳我言者王
色不許我色者、王所見於面者、以見其不許也。禮書二者心

戰。未能目決。心戰者。交戰於心中也。知北遊故九竅者。胎生。
八竅者。卵生。胎卵者。言所從生也。萬石君傳萬石君必朝服
見之。朝服者。言往見之容也。魏其傳乃效女兒咀嚼耳語。耳
語者。以耳與語也。又腹戰而心謫。心腹者。所用之官司也。平
原君列傳十九人相與目笑之。目者。所以笑也。又毛遂左手
持繁璽。而有毛招十九人曰。左右手者。皆以爲所事也。上于
相公。右手披目視。心惟其義。手目與心。皆所用之官司也。湖
州謝表。故遠刺史。面問疾苦。面問者。猶身親問也。建寧解先
生日不絕吟於六藝之文。手不停披於百家之編。白手同上
萬石君傳。因長老肉袒面謝罪。改之乃許。肉袒者。形謝罪之

狀也。汲黯側陋，黜心不能無少望。褊心者，言所以望之故也。
魏刃子傳公子威振天下，威者所以振天下者也。他如屈原
傳之蟬蛻質誼，傳之席卷囊括，韓文之蜂屯蟻雜，刃迎縷解，
神施鬼設等語，諸名之先於動字者，皆所以狀之也。故視同
賓次。

同次三之四

四同次

凡名代諸字所指同，而先後並置者，則先者曰前次，後者曰同
次。至前次同次或一名也，一代也，或皆名也，或皆代也，皆可
同次云者，猶言同乎前次也，同乎前次者，即所指者與前次所

指爲一也。凡主賓偏三次，皆可爲同次，則皆得爲前次。

禮書自子夏門人之高弟子也。猶云：子夏爲前次，門人之高

弟子者，卽孔門弟子之高者。故高弟子爲表詞，亦指子夏與

子夏同。故曰同次。達生臣、工人，何術之有？臣斷輪者自稱工

人，重稱所執之事。工人所指同乎臣，故臣爲前次，工人爲同

次。陸賈錄足下中國人，足下呼佗也。中國人者，表其所自出

也。足下前次，中國人同次。順宗實錄：杭州人，又云：執詔杜

黃裳子壻，與前同解。程光傳：臣，外國人，不如光同前。貨殖列

傳：夫保，鄙人牧長，請窮鄉算婦，禮杭萬乘，名顯天下，豈非以

富耶？亦與前同。周摺賦：與穀二人，相與牧羊而俱亡其羊。二

人與臧穀同次以上所引皆主次趙策述生子男立爲太子
子賓次而爲前次者男表其所生之子爲男也指同乎子故
爲同次立爲太子者猶云立之爲太子也故前次爲之字不
言而喻猶云立之爲太子也太子其表詞而爲同次也答呂
監山人書務欲進足下趙死不應利害之人於朝以爭救之
耳趙死不顧利害之人加於足下之後與爲同次而皆賓次
魏公子列傳公子姊爲趙惠文王弟平原君夫人公子姊前
次夫人其同次皆在主次趙惠文王弟前次平原君其同次
皆在偏次許國公神道碑銘悉有其舅司徒之兵與地其舅
者前次司徒其同次皆在偏次

同次之用有三，一申言以重所事也。

公宣十二莊王親自手旌，親自代字，與莊王同次，申言之所以鄭重乎旌也。張釋之傳此人親驚吾馬，親同次，實指此人所以重其罪也。禹石君傳取親巾帶，同脫身自跪解，身自重言，與起詞同次，以表其孝也。

二重言以解前文也。

留侯世家不愛萬金之資，為韓報仇，留秦，彊秦者，仇之同次，解所報之仇也。項籍本紀與漢戰榮陽南，京索間，同次，解榮陽南之所在也。昭三則猶有先君之適及遺姑姊妹若而人，若而人同次重括以前所稱也。淮陰侯列傳至如信

者、國士無雙、國士者同次、所以稱信也、文帝紀朕高皇帝側
室之子、側室之子同次、朕自稱以明所自也、馬唐傳夫士卒
盡家人子、起田中從軍、安知尺符伍籍、家人子同次、以言士
卒若何人也、又且雲中守魏尚、坐上功首虜差大級、魏尚同
次、以名雲中守也、定十公會齊侯於祝其、實夾谷、夾谷者、以
正視其之稱也、因與同次、何奴列傳何苦遠走亡匿於幕北
苦寒無水草之地爲、苦寒無水草之地、所以解幕北之荒涼
也、與幕北同次、淮陰侯傳今臣敗亡之虜、何足以權大事乎、
敗亡之虜以解臣之無可爲也、與臣同次、秦策且秦萬乘之
國、梁亦萬乘之國、交有稱王之名、兩萬乘之國、各爲秦梁之

同次解所以對比也

三疊言以爲警嘆也

大宗師吾師乎吾師乎蓋萬物而不爲義澤萬世而不爲仁
長於上古而不爲老覆載天地刻雕衆形而不爲巧兩呼吾
師所以嘆美之也穀傳十天平天平國子之國也子何遲於
爲君兩呼天者明其無告也漢唐列傳臣誠愚陋忌諱死罪
死罪兩稱死罪以申徹也李斯列傳趙高曰時乎時乎間不
及謀蘇轍雖馬唯恐後時兩呼時者以發深省也論語天喪
子天喪子重言一句以自嘆也凡重言一句皆有警嘆之意
故重言之句亦引之公哀十四有以告者曰爲魯而角者孔

子曰孰爲來哉、孰爲來哉、反袂拭面、涕沾袍、重言孰爲來哉、
驚辭也、又論語斯人也而有斯疾也、與人焉庾齒等句、皆以
發其警省故重言耳、

同次之例有二、一用如表詞者、其式六一凡靜字用爲表詞者
亦在此例、蓋與所表者同也、

賈列傳其文約、其辭微、其志潔、其行廉、所有約微潔廉四

靜字、各表其起詞、而與之同次焉、大宛列傳得烏孫馬好、名

曰天馬、好者、馬之表詞、文二書見新鬼大、故鬼小、大小者、新

故鬼之表詞、蕭相國世家故秦東陵侯、秦破爲布衣、貧、種瓜

於長安城東、瓜美、貧以言東陵侯、美言瓜、皆與同次、齊物論

故爲是舉，廷與禮，厲與西苑，其情情格，道通爲一。道通爲一者，猶云道則通，所舉者之爲一也。故一者表所舉者之相同，隱與所舉者爲同次。孟晉之乘，楚之楫杖，晉之春秋，一也。一也者，表三史之相同也。張敞傳：今太后實質淑美，慈愛寬仁，無侯莫不聞。一切靜字以贊太后，皆同次。原與古之君子共責己也，重以周，其待人也輕以約。重以周，以言古君子之責己，輕以約，以言其待人，皆爲表詞，而各與起詞同次。韋侍講盛山十二詩序：人謂韋侯美士，考功顯曹，盛山儋郡，美士表韋侯顯曹表考功，儋郡表盛山，皆與同次。此則以名字爲表詞矣。

二凡注解之句概以也字爲煞者其表詞或爲名字或爲一讀而其次必同乎起詞蓋注解者所以決起表兩詞之爲一也

迤邐南冥者天池也齊諧者志怪者也猶云南冥即天池

之地齊諧即志怪之書故天池與南冥同次志怪與齊諧同次如切如磋者道學也云云此皆注解之文所注者必與所解者同次而公穀二傳往往以問答之讀爲注解夫所答必應其所問故答者必與問者同次學者可檢閱之

三凡封拜傳稱諸動字後概加爲是諸字而後或用名字或用靜字爲表詞則其表詞必有與爲同次者

陸賈傳陸生卒拜尉佗爲南越王拜字後南越王與尉佗同

次此與前兩節同義。蓋所問爲字，卽用以決前後兩詞之爲一也。李將軍列傳後廣轉爲邊郡太守，邊郡太守與廣同次。近此列傳乃昭拜請爲淮陽太守，淮陽太守與黯同次。霍光傳時年十餘歲，任光爲郎，郎與光同次。烏氏廟碑王丘詔用烏公爲銀青光祿大夫河陽軍節度使兼御史大夫封張掖郡開國公，爲字後一切官名與烏公同次。記宜城驛驛東北有井，傳是昭王井，是字後昭王井與上井字同次。凡傳述稱謂諸動字後，用爲字者率皆如此。傳十八策命晉侯爲侯伯，侯伯與晉侯同次。知北遊吳廣復化爲神奇，神奇復化爲臭，神奇與臭腐并爲同次。又叔孫通列傳天下合爲一家，凡

化合諸動字後有爲字者視此

四史籍中往往用以爲二字以爲有兩解一作謂辭者則以爲二字必聯用一作以此爲彼者則以爲二字可折用而爲字先後兩語必同次

文王世子武王對曰夢帝與我九齡文王曰女以爲何也此以爲謂辭也猶云女謂何如也非此例也晉語晉國有難而無以尹鐸爲少無以晉陽爲遠必以爲歸少遠皆靜字各與尹鐸晉陽同次必以爲歸者猶云必以晉陽爲所歸之地歸與晉陽同次燕樂不量強弱而欲以齊爲事與齊字同次馮唐傳景帝立唐以爲楚相楚相與唐同次以爲二字經傳

習見變用不一後詳

五凡靜字先後動字以狀起詞者應與起詞同次

萬石君傳內史慶歸醉者所以狀慶歸之容也先乎動字

與慶同次貨殖列傳丈夫相聚游戲悲歌慷慨悲歌慷慨皆

作靜字用後乎動字以形丈夫聚游之狀也霍光傳出入禁

闕二十餘年小心謹慎未嘗有過小心謹慎皆靜字後乎動

字言霍二十餘年出入禁闈之容也淵陰侯列傳項王見人

恭敬慈愛言語囁嚅下八字皆靜字以言項王見人之容也

東方朔列傳臣朔少失父母長養兄嫂少長靜字先乎動字

以言朔失養之時也賈誼傳先王執此之政堅如金石行此

之令信如四時據此之公無私如天地耳堅信無私皆靜字各後其動字以狀起詞諸引所有靜字皆狀起詞故與起詞同次

六凡謂言諸動字訓是爲解爲之意者則先後兩語所次必同蓋其後語猶表詞也

孟子之謂性性與之生同次猶云生謂之性也又此之謂大丈夫猶云此謂之大丈夫也商君列傳反聽之謂聰內視之謂明自勝之謂強三句同上莊二十二是謂觀國之光史記

陳世家作是爲故是謂者猶云此爲也光與是同次推此所謂二字義亦相同所謂修身在正其心者修身與所同次

而所字與下文者字互指。三且夫賤妨貴，少陵長，遠間親，新間舊，小加大，淫破義，所謂六逆也。此所字指上文，而六逆與所同次。高帝紀：高帝爲亭長，乃以竹皮爲冠，令求盜之薛治，時時冠之，及貴常冠，所謂劉氏冠也。此所字上指竹皮冠。劉氏冠與所同次。繫辭：德言盛，禮言恭，盛恭兩字各爲表詞。僖十五歲云：秋矣。秋與歲同次。成十二日云：暮矣。暮與日同次。總之動字之後，或名代諸字，或靜字，用如表詞者，必與前詞同次。

其二用如加語者，式有六。凡名代動靜諸字所指一而無動字以爲聯屬者，曰加詞。詳觀本節初引諸文可知。

一凡官銜勳戚諸加詞先後乎人名者皆曰加詞

陸賈列傳右丞相陳平忠之右丞相官名加於陳平人名之

先項羽本紀項王乃謂海軍侯大司馬曹無咎曰海軍侯勳

名大司馬官名加於曹無咎人名之先趙充國傳今先署羌

楊玉此羌之首帥名王將騎四千首帥名王官勳之名附於

揚玉本名之後李斯列傳乃求爲丞相文信侯呂不韋舍人

丞相文信侯亦官勳之名加呂不韋本名之先而皆在偏次

宋頤列傳奈之所惡獨長馬服君趙奢之子趙括爲將耳馬

服君勳名加於趙奢本名之先皆爲偏次又子者五倫之名

加於趙括本名之先又嘗與其父奢言兵事父亦五倫之名

加於舊本名之先。荀勗傳侍中樂陵侯高。帷幄近臣。朕之所
自親。君何越職而舉之。此句加詞。有侍中官名。樂陵侯勳名。
帷幄近臣職名。朕之所自親。所字加詞。在氏族高姓之先後。
又之字重指前名。亦加詞也。詳下。與鄭相公書。孟之深友。太
子舍人樊宗師。此特服在東都。今已外除。經營孟家事。不啻
如己。友者五倫之名。太子舍人官名。加於樊宗師本名之先。
其官銜勳戚諸名。概先置。而謂之加詞者。蓋以本名乃諸名
所加之本也。否則以後之者爲加詞。亦無不可。總之諸名先
後連置。而所指同者。則所次同。同則必有爲之加詞者矣。
一凡諸詞相加。所稱雖同。而先後殊時者。亦曰加詞。

盧君墓誌銘余之宗兄，故起居舍人，以道德文學伏一世，故起居舍人，明其前爲舍人也。今與宗兄同次，亦曰加詞，汲鄭列傳一死一生，乃知交情；一貴一富，乃知交態；一貴一賤，交情乃見。此以死生兩動字同指一人所歷之境，貧富貴賤四靜字亦然。河南府同官尉於犯水主簿，則得故相國今太子賓客樂陽鄭公。故今兩官名同指一人。

三約指逐指代字，加於名代諸字之後，以爲總括之辭者，曰加詞。

項羽本紀不者若屬，皆且爲所虜，皆約指代字，總結若屬所指諸人，皆與同次。朱雲傳所過皆敬事焉。皆者，重指所過之

居也。張陳列傳秋毫皆高祖力也。皆指秋毫所表諸事也。趙
廣漢傳其強宗大族。家家結爲仇讐。家家猶逐指代字。分指
強宗大族也。司馬遷傳夫侯與李陵俱居門下。俱字約指以
上兩人也。齊物論然則我與若與人。俱不能相知也。俱字並
指以上人已諸稱也。趙策破趙則封二子者。各萬家之縣一
各者。分指二子。此節可與逐指約指諸節參觀。

四凡先提一事而後分陳者。亦曰加詞。

昭四賢有三不殆。國險而多馬。齊楚多難。三不殆總提。國險
多馬多難加詞。歷數其三不殆也。論子以四教。文行忠信。文
行忠信。歷數四教也。又德行顏淵閔子騫子不語怪力亂神。

子所雅言詩書執禮皆此類也。高帝本紀與父老約法三章耳。殺人者死，傷人及盜抵罪。殺人者死，至抵罪，乃歷數三章也。商君列傳商君力法，舍人無驗者半之。同上。李將軍列傳其治米鹽大小事皆關其手。先言其治，下叙所治之事，又似詳述列傳。儀先平明，謁者治禮云云。至以次奉賀，皆歷數早朝之儀，而儀字先提。司馬遷傳所以自惟，上之不能納忠効信，有奇策材力之譽，自結明主，次之又不能拾遺補闕，招賢進能，顯嚴穴之士，外之又不能備行伍，攻城野戰，有斬將奪旗之功，下之不能積日累勞，取爵官厚祿，以爲宗族交游光寵。所叙上之次之外之下之四者之未能，皆所以自惟之事。

論小功不稱。小功服最多。親則叔父之下。殤與適孫之下。殤與昆弟之下。殤。尊則外祖外父。常服則曾祖祖父母也。最多。後皆歷數小功之服也。韋公墓誌銘故事。使外國。常賜州縣官十員。使以名上。以便其私。號私親官。故事總提以下敘明其事也。

五起詞止詞後。凡繫讀以爲解者。亦曰加詞。

河渠書。佗小渠。披山通道者。不可勝言。佗小渠句之起詞。披山通道者。所以解佗小渠也。師說古之聖人。其出居也遠矣。猶且從師而問焉。古之聖人起詞。其出人也遠矣。續加之讀也。楚策於是盡滅春申君之家。而李園女弟。初幸春申君有

身而入之王所生子者，遂立爲楚幽王也。李園女弟，讀之起詞，初幸春申君，有身，續加之讀也。天運彼人之所引，非引人也。彼起詞人之所引，加讀也。襄十四年，虜我南鄙之田，狐狸所居，豺狼所嗾。南鄙之田，止詞也。續加兩讀以解之。齊相國世家，擇郡國吏，木職於文辭，重厚長者，卽召除爲丞相吏。郡國吏擇之止詞，後加讀以解之。若此之數，不可勝道。參觀接讀代字，可加詳焉。

六凡動字名字歷陳所事，後續代字以爲總結者，亦曰加詞。

大宗師，墮杪體，騁聰明，離形未知，同於大道。此謂坐忘。墮黜離去諸動字，但言事，此代字也。統指以前四項而爲句之起。

詞是錯傳丈五之濇、漸車之水、山林積石、經川邱阜、草木所
在、此步兵之地也、草騎二不當一、後言車騎弓弩、長戟矛楯
諸地、句注相同、此字總指上文、劉歆傳夫可與繁成、難與慮
始、此乃衆庶之所爲耳、此字重指上文、管晏列傳禮義廉恥
是謂四維、是字總指四名、

又或句中止詞先置句首、而於動字後以之字重指者、亦可附
於同次之列、以兩者所指同一事、又同一次也、

廣十三險阻艱難、備嘗之矣、之指詞、重指險阻艱難也、故險

阻艱難、既爲止詞、而置先句首者、此也、下同、又漢陽諸姬、楚

實盡之、之與上同、關詩三百一言以蔽之、之指詩三百也、又

聖人吾不得而見之矣。之指聖人。燕策死馬且買之五百金。
况生馬乎。之指死馬。段郵傳大將軍青侍中上賜厨而視之。
之指侍中。遊陳秀才彤序瀾川陳彤始青見之憐湖南門下。
之指陳彤。重修滕王閣記其江山之好登望之樂雖老矣如
我從公遊尙能爲公賦之。之指句首江山之好與登望之樂
也。晉晏列傳管仲世所謂賢臣然孔子小之。之指管仲。

由是凡句中主次或偏次先置句首而後以其字重指者亦此
例也。

老注列傳鳥吾知其能飛魚吾知其能游獸吾知其能走。三
其字皆爲主次各其句首鳥魚獸二名字也。獲麟解角者吾

知其爲牛云云，同上，聯擱故此數子，事業不同，名聲異號，其於處性以身爲殉，一也。此數子者，空置句首，不屬下文，其字在主次重指之。孟梓匠輪輿，其志將以求食也。梓匠輪輿，空寄句首，與下文無涉，其字偏次重指之。論曰也，其心三月不違仁，同上。送楊少尹序，今楊與二疏，其意豈異也，其字同上。馮唐列傳，馮唐者，其大父趙人，父徙代，漢興徙安陵，其字偏次重指馮唐也。後論句法加詳。

更有名代等字連書而意平列者，概用與及以及爲連及之辭，今附記於此，以平列名代諸字所指或異而所次盡同也。

論子罕言利，與命與仁，利命仁三事平列，皆同爲言之賓次。

而以與字連之。齊物論然則我與若與人俱不能相知也。而待彼也耶。我若兩字代字也。人名也。今以與字連之。而道仁與義爲定名。道與德爲虛位。仁義道德連書間以與字。道淳游與學爲笑之曰。與字以連蜩鳩兩鳥。而夫子之言性與天道不可得而聞也。性天道兩名也。與以連之。刑志凡有兩者。與七十者與米此者皆不爲奴。與字以連諸色人也。臣元生莊公及公叔段。及字連兩本名。黠吏列傳湯桓高。得並虱及除肉。及字所以連鼠肉也。又於故人子弟爲吏及貧民弟。謂護之尤厚。及字以連故人子弟與貧昆弟也。大宛列傳。蘇因分遣副使。使大宛康居大月氏大夏安息。身每于夷。扞

梁及諸旁國及字以連旁諸國與以上平列之國名也。述元

四年堯陽故田及公田民所未望可二千頃以上及字以連

故田與公田也。平原君列傳平原君以相遭惠文王及孝成

王以字以言所相之兩王也。霍光傳顯及禹山雲自見月侵

制與字以連母子也。項羽本紀所以遣將守關者備他盜之

出入與非常也。出入非常作兩名用與以連之語云備他盜

出入之路與非常之事也。老莊列傳天子之私賴與多欲是

皆無益於子之身與字以連驕氣多欲也。項羽本紀每與中

有絳後及喪項梁常居主謀陰以兵法部勸賓客及子弟兩

及字皆以連諸名也。文三秦伯伐晉濟河焚州取王官及郊

及字以連兩地名也。由是觀之，凡記事之文，概以及爲連，故左傳史漢輒用之。而論事之文，概用與字。論小功不稅，書親則叔父之下，賜與適孫之下，殤與昆弟之下，殤兩與字，遞連諸色下，賜也。趙尤臣傳，留池利，應及淮陽，汝南步兵與吏上私從者，合凡萬二百八十一人。三色人名字稍長，則參用與及兩字以連之。孔公墓誌，銘親戚之不仕，與然而歸者，不在東阡在北陌，可杖屨來往也。與字以連兩讀也。送溫處士序，自居守河南尹，以及百司之執事，與吾輩二縣之大夫，政有所不通，事有所不明，奚何有德而問業焉。三色人名字稍長，則參用以及與字爲連也。自祖傳自結繩之代，以及秦事。

無不纂錄陰陽卜筮占相曉方族氏山經地志字書圖畫九
流百家天人之書及至浮圖老子外國之說皆所詳悉凡歷
數諸項則用以及及至爲連亦無不可

古籍中若如兩字間代與字以連諸名者然非其常以字之代
與字也僅矣

成十六我若羣臣新睦以事君多矣猶云我與羣臣也儒林
傳其不舉事者下村及不能通一氣飯罷之若猶與也脂張
惠子序然後升於州君府言州與府也襄十三防局孟吾
言器與屬也儀禮鄉飲酒禮公如夫人入言公與夫人也
方大七十如五六十而非邦也者言與五六十也康趙傳趙

王問棲緩曰、子泰地何如、母子孰吉、言子與母子也、昭二十
六凡有季氏與無、於我孰利、此以與字以連有無季氏之兩
事也、

孟得之爲有財、爲亦解作與字、送揚少尹序道遠觀者亦有
歎息知其爲實以否、以否者、猶云與否也、

靜字三之五

靜字所以肖事物之形者、

形者附事物而生、傳曰物生而後有象、象而後有滋、是故靜字、
統分兩門、曰象靜、曰滋靜、象靜者、以言事物之如何也、滋靜者、
以言事物之幾何也、曰如何、曰幾何、皆形之顯著者也、象靜之

字至多，義詳於前，茲不復載。

更有以公名本名代字，動字狀字，用如靜字者。夫字無定類，是惟作文者有以驅遣之耳。

以他類之字用如靜字者，如王道王政臣德臣心之類。王臣二字本公名也。今先於其他公名，則用如靜字矣。又齊桓晉文，堯服舜言之屬。齊晉堯舜皆本名。今則用如靜字。吾國吾家，其言其行諸語，吾其二字，皆代字也。今則用如靜字。饑色饑萃諸語，饑餓本動字也。今則用如靜字。至逍遙遊云腹猶果然，果然本狀字也。今爲表語，用如靜字。而史籍內欸欸之愚拳拳之忠，區區之薛等詞，凡重言皆狀字也。今則用如靜

字遍閱古籍其以他類之字用作靜字者所在皆有故略舉一二以示隅耳

靜字有兩字同義者

如公忠賢良端莊聖明優遊從容空疏辛勤雍熙渾穆慷慨曠遠倜儻隱蹇狠復奇特豪逸蒼髯駢屹駸駸吝精微之屬

有兩字對待者隨所用爲類耳

如窮通安危昏明賢奸公私縱橫榮枯精粗高下方圓妍媸曲直清濁強弱厚薄長短真僞優劣通塞之類

靜字諸用

靜字先平名者常也單字先者概不加之字爲禡

孟子有老子慈孫孤臣孽子廣士衆民令聞廣譽等語皆單
靜字各先於所附之名周子方當是時猶象人也象靜字先
乎人以明與人同象耳列傳臣追念前事傳物細故前
薄與細皆靜字也而先於名李廣傳故李將軍又云今將軍
所不得夜行何故也故今靜字也而先乎將軍又將軍名非
單字而單靜字先之無加也刺客列傳於是太子丹求天下
之利匕首又云皆白衣冠以送之利白而靜字皆單字也先
於雙字之名無加無加者即不加之字爲襯也孟子云今之
樂由故之樂也今古單靜字先於樂而加之字爲襯非常例
也獨更傳與我共此天下者其惟良二千石乎良靜字先於

三字之名亦無加也。現羽世和大行不願網羅大禮不節小
雖大小細單靜字皆各先於所附之名。東方朔傳藥成功就
敗事又逆盛意犯隆指成敗盛隆皆單靜字而各先於其所
附之名無加。

偶者亦先焉。惟觀以之字若偏次然不觀者僅耳。

狀區篇端更之蟲肖想之物莫不失其性端更肖翹皆偶靜
字也。先附於名間以之字以便口誦也。賈逵傳東割膏腴之
地收更害之邪膏腴要害亦偶靜字也。同上。淮陰侯列傳今
將軍欲舉倍叛之兵頃之燕堅城之下倍舉偶靜字。齊策今
呂有區區之薛無纖介之勳者區區纖介同上。剡澤昭初詩

剛夫和平之音淺薄，愁平之音要妙，憤激之音難工，而窮苦

之音易好也。四音之先，各附偶靜字，皆間之字。上于相公書

閣下負超卓之奇材，蓄雄剛之俊德，超卓雄剛，偶靜字也，奇

材俊德，偶名也，兩相附焉，亦參之字以爲別。王吉傳數以與

脆之玉體，羽動書之煩瑣，非所以全壽命之宗也，與上同，封

祚而海上燕齊怪迂之方士，多更求言神事矣，怪迂方士，

一靜一名，皆偶也，而參以之字。張丞相劉傳陛下獨宜爲趙

匡貴，強相及呂后太子和臣所教，憚乃可，貴彊偶靜字，附於

相字，單名不觀之字，詞氣更勁。上鄒相公以代金晉無系秦

事，爲報答效，又愈無過時才用，漸不爲所更，得一邪爲名可

自罷去不齊如棄涕唾無一分顧藉心顧失大君子纖芥之
如邱山重顧藉與纖芥皆偶靜字附於單名而不觀之字亦
可

靜字同義而蟬聯至四字六字先附於名者亦惟一觀之字而
已

大宗師夫者既已默汝以仁義而割汝以是非矣汝將何以
運乎遠焉恣睢睢徙之微乎遙蕩等六字同義附於塗字參
之字爲觀封禪然則怪迂阿諛苟合之徒自此興怪迂阿

諛苟合皆靜字也附於徒字惟觀之字而已上翠桐舊枯稿

沈潜魁閣寬通之士必且洋洋焉動其心域曠焉其冠于

于焉而來矣。入靜字皆附一名之字間焉。又屑弱守約亦時有以激怒慙奇怪之辭以求知於天下感激等六字同上。

對待靜字如附單字之名率參之字附於雙字之名概無參焉。有兩三靜字類別而同附一名者亦然其先後則以其義爲差。賈山傳秦地之固大小之勢輕重之盛共與一家之富一夫之強胡可勝計也。大小輕重對待之靜字也附於單字之名故加之字以四焉。齊相國世家漢王所以具知天下阨塞戶口多少疆弱之處多少疆弱同上。莊十小大之賦雖不能察必以情大小同上。

匈奴列傳置左右賢王左右谷蠡王云左右對待靜字附於

雙名不參之字。按公家碑銘考定新舊十式爲二十篇新舊對待靜字附於雙名不參之字。送張道士序張道士嵩高之隱者通古今學有文武長材古今文武皆對待字一附單名一附雙名皆無之字者兩句平列故一之也。

叔孫通傳專言諸故羣盜壯士進之諸故羣三靜字其類不同諸者代字而用如靜字者故羣者象靜字也今附於盜而不參之字其先後率以其義爲斷。傳十以是觀諸孤辱在大夫其者之何是藐諸皆可視同靜字附於孤字單名而無之字爲問詩經之彼茁者葭與嘉粟旨酒皆此類也。蜀侯世家諸將皆陛下故等夷故等夷三靜字義別單用而爲表語者

凡單靜字同附一名，則以意之所重輕者爲先後焉。

靜字單用如名者，前文必有名以先焉。

孟以小易大，彼惡知之。小大兩靜字，今單用如名，以前文有

牛羊兩名在先，故知小大所指之爲何。又以一服八，何以

異於鄒族楚哉。一八兩靜字，今單用如名，以前文有鄒楚二

國相比之說先焉，故知一八所附之爲何。論方六七十，如五

六十，末也，爲之比及三年，可便足民。諸滋靜字單用者，蒙上

文邪字而言也。淮陰侯列傳故善用兵者，不以短長而以

長短。長短靜字單用，承上文兵字而言。蘇相國世家吏皆

送奉饋三例，獨以五以五者，以五錢也。論語法狀通對所在

百姓貧多富少，貧富單用承上文百姓而言，行難齊也，齊也
且有二與七十一，二與七十，指上文所引之人也，孟則賢不肖
之相去其間不能以寸，賢不肖單用蒙上文父兄而言，又雖
有貴賤有大小，無以小害大，無以賤害貴，小大貴賤單用皆
蒙體字，昭二十，清濁小大，短長疾徐，哀樂剛柔，遲速高下，出
入周疏，以相濟也，靜字二十單用，皆承上文聲字，孟子之民
老弱轉乎溝壑，壯者散而之四方者，幾千人矣，老弱而靜字，
單用蒙上民字，李斯列傳今取人則不然，不問可否，不論曲
直，可否曲直皆靜字單用，蒙上人字，淮陰侯列傳大王自料
勇悍仁強孰與項王，勇悍仁強靜字，獨用貼自字，屈原列傳

人君無智愚賢不肖莫不欲求皆以自爲舉賢以自佐。智愚
賢不肖貼人君。潮州勸表子養備兆人庶無有親疏遠邇親
疏遠邇貼人庶。備二十八及附重孫無有老幼。老幼兩字同
上。人間世凡事若大若小寡不道以備成小大不道皆靜字
單用上貼事字。寶公墓誌銘六府從事幾且百人。有愿姦易
姦賢不肖不同。公一接以和與信。莫與公有怨嫌者。愿姦易
險等皆靜字。上貼人字。凡無有兩字後承以對待靜字。所以
分別上文所名之人物。此種句法最爲習見。李將軍列傳百
姓聞之。知與不知無老壯皆爲垂涕。老壯兩字同上。
無先焉而靜字單用者。則所指人物必其顯然易知者也。

易天道虧盈而益謙地道變盈而流謙鬼神害盈而福謙人
道惡盈而好謙又云君子以裒多益寡稱物平施盈謙靜字
用各不同並無前文以先焉然用以各指其義則甚明也多
寡兩字亦然直十二見可而進知難而退軍之善政也兼弱
攻昧武之善經也可難弱昧皆靜字單用而上無所承然皆
明知所指之爲何也荀子議兵故兵不血刃遠邇來服遠邇
靜字指遠邇之人也前文並無入字馮唐列傳賞賜決於外
不從中緩也中外靜字皆知中指朝中外指邊將也尹翁歸
傳縱於小弱急於表強小弱最強諸靜字指如斯之人也賈
誼傳衆掩寡智欺愚勇威怯壯陵衰其亂至矣如靜字單用

皆無前文爲先焉然無不知所指爲如斯之人也後漢宦者傳中外服從上下屏氣中外上下諸靜字雖無前文而所指爲何則顯然共知者也

前文名字不一其類後用靜字爲別者則殿以者字代指其名也若約數則名字先置以爲母靜字後置以爲子殿以者字亦以代名也母子間概參之字其不參者避重也前文無名而突用靜字以者字爲殿者則其靜字必習用者也

功臣侯年表序是以大侯不通萬家小者五六百戶小者猶云小侯也者殿小字以代上文侯字耳漢志今隄防陋者

去水數百步遠者數里隄遠二靜字所以言上文隄防之各

別也皆殿者字者王以代隄防也順宗實錄詎得晏之與分
弱必擇其善者與晏而以惡者與之善惡者關之分別也
諠傳然尙有可議者曰疏臣請言其親者又云故疏者必
危親者必亂已然之效也親疏二靜字所以分貼前文所封
之王侯也者字殿之以指王侯宣十二子姑整軍而經武乎
猶有弱而昧者何必楚弱昧兩靜字承上文而言者字所以
指國也茲國策三十一且年未盈五十而諄諄焉如八九十
者希能久矣八九十靜字者字所以指有是年之人也文元
楚國之舉但在少者者字承上文太子而言匈奴列傳有罪
小者死大者死小大者罪之別也者代罪字荀子彙編通者

常制人窮者常制於人窮通兩靜字所以類別前文也又坊
愍者常安利滿悻者常危害安利者常樂易危害者常憂險
樂易者常壽長憂險者常夭折諸靜字皆遞承上而言者字
指其人至孟子二者皆法堯舜而已矣二者總指上文論語
能行五者於天下爲仁矣五者呼起下文蓋二五皆靜字殿
以者字所以實指其事也

孟是則罪之大者罪名字先置爲母大者後置爲子中間之
字以明罪字之在偏次罪之大者猶云諸罪中之大罪也故
者字所以代名也孟伯夷聖之清者也伊尹聖之任者也柳
下惠聖之和者也孔子聖之時者也四句皆約數猶云諸聖

中之清聖云云。凱風親之過小者也。小弁親之過大者也。解與上同。惟母子之間不參之字者。已有之字在先。避重也。襄三十大夫之忠儉者從而與之。泰侈者因而號之。忠儉兩靜字。猶云諸大夫中忠儉之大夫也。泰侈者頂接上文。猶云大夫之泰侈者。餘同上。新修滕王閣記於是棟掇榱桷板檻之腐黑澆折者。蓋瓦級頽之破缺者。赤白之漫漶。不詳者。治之則已。無侈前人無廢後勢。句法同上。何蕃傳於是擢次蕃之。舉行卓卓者。卓卓重言。用如靜字。不曰蕃之羣行之卓卓者。避重也。

襄三十一。百聞君子務知大者遠者。小人務知小者近者。大

小遠近皆靜字並無前文爲指而各助以者字者皆習用字所指者不言可明也論語知者樂水仁者樂山近者悅遠者來孟子恭者不侮人儉者不奪人賢者在位能者在職而未嘗有顯者來諸句者字前蒙以靜字皆無前文爲指經史內類此者所在皆有蓋皆習用之靜字耳

靜字不附名字而先以其字者必有所指也若兼助者字則各有所指也至其字爲母則附其後者概爲滋靜之字所以言全中之幾分也

同版刻傳百項隨其精兵見其羸弱羸弱靜字不附名字今以其字蒙其先與上文其字同指羸弱也若將其字指兵則

循云、凡兵中之羸弱者如是則爲約分矣、又匈奴以數攻爲
事其老弱不能鬪、故以其肥美飲食壯健者、老弱肥美皆靜
字單用、不附於名、各以其字蒙之者、皆指匈奴也、傳二十八
原田每付含其齒而斬是謀、舊靜字蒙以其字指出也新不
蒙其字者、根上文靜字也、朱雲傳臣願賜尚方斬馬劍、臣後
臣一人願以厲其餘、除亦靜字其指侯臣也、李斯列傳是以
泰山不讓土壤、故能成其高、河海不涇細流、故能成其大、高

大皆靜字、各以其字先之一指泰山、一指河海也、

德充符自其異者視之、肝膽楚越也、自其同者視之、萬物皆
一也、異同兩靜字、而各其先以其字、所以指上文天地又各

助以者字所以指上文萬物也。且有其者二字一先焉一後焉則語氣較爲確實。孟先立乎其大者則其小者不能奪也大小兩靜字而各先以其字指上文天所與者也。各助以者字一指心一指耳目也。越策此其近者禍及身遠者及其子孫豈人主之子孫則必不替哉近遠二靜字各以其字爲先者指上文諸侯也。亦各以者字爲助者又指或近或遠之諸侯也。

孟惡得有其一以慢其二哉。一二言數滋靜字也。其字指上文三達尊也。猶云惡得有三之一以慢三之二哉。貨殖列傳計然之策也越用其五而得意其五者猶言七策中之五也

魏策以三者身上也。河內其下也。秦未索其下而王效其上可乎。上下指序亦滋靜之類也。其下其上者三者之下三者之上也。平年書有能告者以其半畀之其指上文沒入之緡錢猶云以沒入緡錢之半畀之也昭四民參其力二入於公而衣食其一其一參分力之一也送郵十校理序秘書所有不能處其半同上送郵尚書序嶺之南其州七十其二十二隸嶺南節度府其四十餘分四府其字指七十州猶云七十州中之二十二又七十州中之四十餘州也

凡靜字反用者狀以不字而已

孟狂者又不可得欲得不屑不潔之士而與之是賤也屑潔

兩靜字今反用其意故以不字狀之天下不該不偏一曲之士也不該不偏解同上論關雎樂而不淫哀而不傷不淫不傷者反用淫傷兩字之意連以而字者明其爲對待也襄二十九直而不偻曲而不風通而不偏遠而不携等語亦此志也昭二十六帥羣不弔之人以行亂於王室羣弔皆靜字反用則不之不曰羣而不弔者非對待也

若靜字先名而有淺深對待之義者概參而字以且兩字亦習用焉有參以又字者惟從未見如名代諸字以與及並等字爲連者此名靜兩種字之別也不然必其靜字用如名字者也如兩靜附名有反正之意則正先反後而以而不兩字逮之不用

不字則用狀字之有弗詞者亦可

列禦寇人者厚貌深情故有貌愿而益有長若不肖有順懷

而遠有堅而緩有緩而針諸靜字皆耦而有對待之意故以

而字連之惟長若不肖猶言有技與無能者用如兩名故以

若字連焉若者及也庸君子之道費而隱費隱對待靜字而

字參焉後漢崔駰傳指切時弊言辨而確同上繫辭著之德

圓而神卦之德方以動一用而一用以則以而兩字可通用

之明證勝義溫潤而澤仁也縝密以栗知也解同上邢州錄

堂詩序以武則忿以德以恩則橫而肆以而兩字互用荀子

議兵故制號政今欲嚴以威慶賞刑罰欲必以信嚴威必信

義有淺深參以以字送孟東野序其聲清以聲其節數以急

解如前論梨牛之字駢且角使駢且者富且貴焉貧且賤焉

則參且字者義有淺深也上于相公書今愈雖愚且賤其從

事於文實事且久則其贊王公之能而稱大君子之美不爲

僭越也兩且字爲連者明靜字之義各有淺深也公隱元隱

長又賢何以不宜立長賢兩靜字參以又字者義猶且也以

又字爲連者少見逍遙遊吾聞言於接輿大而無當往而不

反而無而不爲參者皆言其義之有反正也以而不爲連者

經籍中往往而有前節所引可參證太史公自序儒者博而

寡要勞而少功墨者儉而難遵法家嚴而少恩寡難少諸字

皆所以不之也。列禦寇知道易勿言難知而不言所以之天也知而言之所以之人也古之人天而不人知言皆動字亦以而字參之詳後至天而不人句天人兩名用如靜字故而字參焉。游俠列傳關中賢豪知與不知聞其聲爭交驩解猶云關中賢豪無論知之者與不知者云故知字本可動可靜字也而此則用如名字故以與字連之不可不辨也使解如靜字應云知而不知則費解矣

象靜司詞

象靜後之司詞猶動字後之止詞所以足其意也司詞有直接者則無介字否則概以於字爲介介以以字者不習見也記數

靜字無司詞

論言第九行寡悔，祿在其中矣。寡，靜字也。所寡者何，尤與悔，其司詞也。通遘遘，宋人有善爲不龜手之藥者，善，靜字，所善者何爲不龜手之藥也，爲，動字而爲所司也。善後習用爲字，如孟子善爲說辭之類，然有司別字者。河渠書於是爲發卒，萬餘人穿渠，自澄引洛水至商顏下，岸善崩，乃鑿井，岸善崩者，岸易崩也，崩乃善所司也。孔光傳上重違大臣，所重者何，違大臣議也。貨殖列傳其俗剽輕，易發怒，所易者，發怒也。齊相國世家蓋公爲言治道，貴清靜而民自定，所貴者，清靜也。應帝王吾與汝旣其文，未旣其實而因得道矣，固靜字，猶

云而固持己見以爲得道乎。蓋不遠千里而來不遠者不以
千里爲遠也。王尊傳明慎所職毋以身試法。明慎者何所職
之事也。齊策是故韓魏之所以重與秦戰而輕爲之臣也。所
重者與秦戰所輕者爲之臣也。趙充國傳且羌虜易以計破
難用兵碎也。猶云羌虜易破以計難碎以兵也。王尊傳高者
難攀卑者易陵。原道其爲道易明而其爲教易行也。太史公
自序其實易行其辭難知。皆同一句法。是猶爲君難爲臣不
易兩句。倒其文曰君難爲臣亦不易爲也。其義一也。又留侯
世家羽翼已成難動矣。與答楊子書知人堯舜所難。句法同。
前惟應科目時與人商其得水變化風雨上下於天不難也。

此以不難兩字爲表詞，如變其文曰：不難上下於天也，則與以前句法無異。若知人堯舜所難句，猶云知人之事，堯舜所難也。所先難字者，接讀代字之例，是如云：堯舜亦難知人，故文帝紀是吏奉吾法不勤而勸民不易也。又張釋之傳謝曰：教兒子不謹，皆以司詞先置而以靜字爲表詞也。

孟周於利者凶年不能殺，周於德者邪世不能亂。周靜字于同於介字，故于利于德其司詞也。又困於心，衡於慮而後作同上。又行有不慊於心則餒矣，於心者不慊之司詞也。又人倫明於上，小民親於下，於上於下皆靜字之司詞。天下不累於俗，不飾於物，不苟於人，不忮於衆，逍遙遊夫子固拙於

用大矣。田子方中國王民，明乎禮義而陋乎知人心，平亦於也。屈原列傳明於治亂，嫺於辭令，商君列傳民勇於公戰，怯於私闕，傅當等傳拔石超距，絕於等倫。吳志大帝傳性多嫌忌，果於殺戮，答陳商書是所謂工於鼓瑟而不工於求齊也。進學解業精於勤，荒於嬉，行成於思，毀於隨。孔公墓誌銘公於是乎賢遠於人，以上所引其靜字司詞皆以於字爲介，凡以言其所在耳。

項羽本紀事成猶得封侯，事敗易以亡，非世所指名也。易靜字以亡其司詞，河渠書水湍悍，難以行平地，數爲敗，以行平地難字司詞，孟頫夫子明以教我，以教明字司詞。

滋靜三之六

滋靜諸式

滋靜言事物之如干也、凡以言數也、滋靜象靜、皆靜字也、故用法大同、惟滋靜一字一數、無對待、無司詞、無比品、蓋質言也、凡滋靜所獨而不同於象靜者、今特詳焉、

滋靜言數數別三式

一數目、凡可以爲加減乘除者皆隸焉、如一、二、三、四、什、百、千萬之屬、疇人家言數、不言其所數、他言數者、必有所附之名、數先於名者、常也、

昭二十聲亦如味、一氣二體三類四物五聲六律七音八風

九歌以相濟也。一二三四等皆以一遞加以至於九是爲諸數之根。九加一爲十。由是十十爲百。十百爲千。十千爲萬。凡數先名所以言名之多少如其數也。六律者律有六也。餘倣此。至數之加減與其乘除別詳數學。而經藉中率後之者蓋凡以爲表詞耳。

唐天下之達道五所以行之者三。猶云天下之達道有五焉。所以行之者惟三。故五與三兩數後置者以爲表詞也。謝威儀三百。威儀三千。猶云禮儀有三百之數。威儀有三千之數也。陸吏列傳小羣盜以百數。大羣至數千人。猶云小羣盜之人有數百。大羣盜有數千。故原性性之品有上中下三。即云

性有上中下三品也。公位十六貫石記聞。開其礦然。視之則石。察之則五。又六鷁退飛。記見也。視之則六。察之則鷁。猶云視之則爲石。數之則有六焉。又如云。視之則有六。察之則爲鷁也。以上所引。凡數後者皆表詞也。

非表詞而後者。必所數者。可不言而喻。故凡物之公名。有別稱。以記數者。如車乘馬匹之類。必先之。有有稱。有無稱。而連記者。則有者稱之。無者第數之。然要皆後乎公名。

平準書。自山東咸被其勞。費數十百巨萬。不言所數者。大約隱其時習用之名。如上文言物踊騰。糴米至石萬錢。馬一匹。則百金。則所數者非錢則金。不言可喻。又其後四年。而漢遣

大將將六將軍軍十餘萬，擊右賢王軍十餘萬者，即十餘萬人，不言而喻。別志：蕭葛亮傳注：昔世祖之創述舊基，奮臨卒敗千，摧莽彊旅，四十餘萬於昆陽之郊，即言數千人，與四十餘萬人，皆可不言也。趙策：使使者致萬家之縣一於智伯，猶云：使使者致智伯一縣，其大與萬家之縣等也。平淮西碑：大戰十六，得柵城縣二十三，降人卒四萬，單記數者，猶云大戰十六次，得柵城縣二十三處，降人卒四萬名，皆可不言而喻。曰：次曰處曰名者，即所謂記數之別稱也。

所積列傳乃益資黃金千鎰，白璧十雙，車馬百兩。曰：鎰曰雙，曰鎰，皆物之別稱，所以記數也。案：策文候示之訪書一節，猶

云訪書有篋之多也。若云一篋訪書，則文氣弱矣，不可不辨也。記物品之別稱者，莫如貨殖列傳內兩段，先後參差足可取法。故曰：陸地牧馬二百蹄，牛羴角千，千足羊，澤中千足雉，水居千石魚陂，山居千章之材，安邑千樹棗，燕秦千樹栗，蜀漢江陵千樹橘，淮、北常山已南河濟之間，千樹萩，陳夏千畝，齊魯千畝桑麻，渭川千畝竹，及名國萬家之城，帶郭千畝畝鍾之田，若千畝，扈茜，千畦薑韭，此其人皆與千戶侯等。其後又云：通邑大都，酤一歲，酤千坑，塲千區，屠牛羊彘千皮，販穀糴千鍾，薪炭千車，船長千丈，木千車，竹竿萬个，其輜車百乘，牛車千兩，木器聚者千枚，銅器千鈞，素木鐵器若后曹。

千石，馬蹄臘千牛千足，羊豕千雙，儻手指千，筋角丹砂千斤，其帛絮紵布千鈞，文采千匹，櫛布皮革千石，漆千斗，藥炮鹽鼓千砵，飴飮千斤，鮑千石，鮑千鈞，棗栗千石者三之，狐鼯裘千皮，羔羊裘千石，旃席千具，佗果菜千鍾，子貨金錢千萬，節阻會食賈三之，廉賈五之，此亦比千乘之家，其大率也。又霍光賜金，錢詣梁，繡被百領，衣五十篋，璧珠乘于衣，梓宮便房黃腸題輿各一具，柩木外，載梓十五具，蓋品物之稱盡矣。至昭三又弱一个焉，荀子負矢五十箇，與前引竹竿萬个个

簡同人物通稱

陸賈傳陳平廼以奴婢百人，車馬五十乘，錢五百萬，遺陸生

爲衣食費惟錢五百萬不言其所記所謂無稱者第數之也
封爵書賜民百戶牛一酒十石加羊八十孤寡布帛二匹曰
石曰匹別稱也牛羊第數之南海神廟碑於是免屬州通負
之器錢計有四萬米三萬二千斛米以斛稱錢無稱而皆繫
數於其後通例也

凡數書零位率參以有字言更有加也有云有者又也凡零位
不言數以餘字概之

論必有裘衣長一身有半有牛者又一身之牛也孔子世家
於是肅慎貢楛矢石砮長尺有咫有者又也文十六乃出師

有有五日百濮乃罷旬有五日者十日後又加五日也何奴

列傳是後六十有五年又千有餘歲封龍書族臨天下二十
有八年皆以有爲又也南海神廟神於是免屬州通負之帑
幾廿有四萬同上漢書諸侯王表封國八百同姓五百有餘
有餘者又零也禮樂志河間獻王采禮樂古事稍稍增輯至
百餘篇匈奴列傳往往而來者百有餘戎平準書式投身出
分獨羊羣羊百餘所引餘字零解也

二序數所以第事物之序也用法數先冠以第字率單用不先
所第之名有時第一代以相當之字而第二第三則次之或單
言數以爲第者要皆先於所第之事焉凡記時皆不第也

賈誼列傳聞河南守吳公治平爲天下第一此第一乃表詞

然單用不先所第之名，然相國世家平陽侯曹參身抄七十
剏攻城略地功最多，宜第一，宜第一亦單用而無名以先焉，
又蕭何第一，曹參次之，同上，猶云蕭何應推第一也，蕭望之
傳君深第六，裁白脫，何曜秋爲左右言，第六解如前，王公慈
志銘其在蘇州治，稱第一，蜀志諸葛亮集開府作牧第一，諸
葛名第至二十四，然則凡數皆可第也，王公神道碑銘第幾
人必王某也，第字先名者，言當時屈指以次及之也，不若前
引者爲排次耳。

平原君列傳王當獻血而定從，次者吾君，次者遂，先言王，王
之第一不言可知，次者吾君，猶云次於王者吾君，次者遂，猶

云次於吾君者遠耳。孟故善戰者服上刑，連禽侯者次之，辟
草萊任土地者次之，上刑刑之至重者，次之者，次乎上刑也。
又次之者，次乎其次也。負刳列傳故善者西之，其次利導之，
其次教誨之，其次整齊之，最下者與之爭。善者猶云最善者，
寓有第一之義，請其次，猶云前事之次，如此可彈聯以次至
無限數。萬石君傳，長子建，次子甲，次子乙，次子慶，皆以馴
行孝謹。長子者，第一子也，以下可遞次焉。

平原君列傳，白起小豎子耳，卒敗萬之衆，興師以興楚，一
戰而舉鄢郢，再戰而燒夷陵，三戰而辱王之先人，此百世之
怨，而趙之所羞，而王弗知惡焉。此單數先戰字，以爲戰之次。

第者、昭七、一命而僂、再命而偃、三命而俯、循牆而走、亦莫余
敢侮、一再三、先乎命者所以次其命也、後人第卷次、則曰卷
一、卷二、或曰卷之一、卷之二、又有言篇之一、章之一者、至論
事之次、或云其一、其二、要皆單第以數、而無次第之加、且率
用約數法、如云卷之一、猶云諸卷中之第一也、其二、者猶云
其諸事中之第二也、餘可類推、

凡經傳記年記月記日皆不第也、如經云、三月庚戌、天王崩、
傳云、三年春、王三月、壬戌、平王崩、赴以庚戌、故書之、餘皆然
矣、上張侯射書、九月、一日、忽再并、月日不第如前、左公慈誌
銘公去位之明年、江水平堤、編時於某事之後、古史法也、新

徐錄王開記至州之七月，詔以中書舍人太原王公爲御史
中丞，觀察江南西道。余十二郎文季父愈聞汝喪之七日，剋
期發子常之明日，遣昭常爲大司馬，令往守東地，遣昭常之
明日，遣景鯉車五十乘，西索救於秦，然則以事記時，其句法
已古，惟間用之字，亦如卷之一之爲用耳。文十七哀君卽位
三年召蔡侯而與之事君，此不言卽位之三年，亦無不可。
三約數，卽子母差分之數，母子皆數，先母後子之字，參否無常，
母數之後，往往綴一名字爲別者，子數或不足焉，藉動字以明
之。

曆書正開除正義，一月之日二十九日，八十一分日之四十

三八十一分母也、四十三分子也、先母後子、而母後綴以分
日二名、有偏有正、猶云八十一分之一日也、明所分也、中參之
字常也、此在曆書校勘條內、歷元先王之制、大都不過參國
之一、中五之一、小九之一、今京不度、非制也、君將不堪、參五
九皆母也、諸一字皆子也、參後綴以國字、志所分也、五九後
不綴自明、母子中參之字常也、孟樂正子、二之中、四之下也、
同前母後不綴以名者、文已明也、律曆志、冬至日在斗二十
一度、四分度之一、又是則日行之終、以周除日、得三百六十
五、四分度之一、爲歲之日數、天官書、歲行三十度、十六分度
之七、率日行十二分度之一、以上所引、母後綴以度字、以表

所分也。餘同上。律曆志以日歷萬八千得一歲周天之數以

日一周減之餘十二十九分之七。貨殖列傳故閭中之地於

天下三分之一而人衆不過十三然最其富什居其六十九

分之七與三分之一。母後皆綴以分字。明所分也。餘同上。不

過什三者。母子皆數。不參之字。又不過者。明子數之不足也。

過勤字也。什居其六。猶云什分天下之富而居其六分也。故

其代字爲母而六乃其子也。論語云三分天下有其二亦此

義也。送歷道士序彬之爲州在嶺之上測其高下得三之二

焉。三之二母子皆數中參之字常也。論停選狀不當京師百

分之一又淮南王列傳方今大王之兵衆不能十分吳楚之

一天下安寧有萬倍於秦之時前兩引母數後皆綴以分字又附以吳楚者皆以志所分也曰不當曰不能以言子數之不足也漢家賊事宜狀其所存者四分綴一綴者僅足也此亦約分之式也汲黯傳二者亡一焉淮陰侯列傳以此參之尚不失一孔公藻誌銘被霜露毒相執籍死百無一還陶天旱人饑狀田種所收十不存一曰亡曰不失曰無曰不存皆參於母子數中亦常用之式也蓋所以言約分之式盡矣與孟尚書書所謂存十一於千百安在其能廩如也存十一於千百者猶云存十於千存一於百也即百分之一也參以於字者存字後也是亦一式也陳張列傳胡不赴秦軍且有十

一二相全、句奴列傳卒之塵指者十二三、又漢兵物故什六七、又得來還千人一兩人耳、趙充國列傳初是充國計者什三、中什五、最後什八、平淮西碑願歸農者十九、天官書子一分、丑三分二、寅九分八、卯二十七分十六、辰八十一分六十四、巳二百四十三分一百二十八、午七百二十九分五百一十二云云、諸所引母子數皆不參之字者、

表詞三之八

表詞者、以決事物之靜境也、

首卷論句讀之成必有起語、兩詞起詞者、爲所語也、語詞者所爲語也、起詞或可隱而不書、而語詞則句讀之所爲語者、不可

不書。夫事物之可爲語者，不外動靜兩境。故動境語以動字，靜境語以靜字。語詞必以動靜之字爲之者，常也。動字語詞，茲姑不論。靜字成爲語詞，更名曰表詞。所以有別也。故曰表詞者，所以決事物之靜境也。

靜字而爲表詞，必置起詞之後。後之者，即以決焉如斯之口氣也。口氣決而意達，意達而句讀成矣。其句讀之起詞，名代頓豆。無論也。而表詞則概爲靜字。然有以名字與頓豆爲之者，則必用若靜字然。

孟故聞柳下惠之風者，歸夫寬，薄夫敦，鄙夫薄，夫皆名也。而爲起詞，寬敦兩靜字，各置其後，以爲表詞。此兩句猶云，鄙夫

聞柳下惠之風即寬矣、薄夫聞柳下惠之風即敦矣、故寬敦
兩字、所以決言聞風之效有如此者、又步君之惡其罪小、達
君之惡其罪大、句法同上、罪字、名也、而爲起詞、小大各附於
後、以爲表詞、孟孟子道性善、性名也、起詞、善附後、爲其表詞、
性善兩字、道字之止詞也、又孰謂子產智、解同前句、孟彼長
而我長之、非有長於我也、猶彼白而我白之、從其白於外也、
彼代字、起詞、長、其表詞也、彼白兩字、倣此、皆句也、長之白之、
則動字矣、又獨孤臣孽子、其操心也危、其慮患也深、故達、孤
臣孽子名也、起詞、危深、其表詞也、其操心也、其慮患也兩讀、
自爲起語兩詞、一以言危於何事、一以言深於何事也、猶云

獨孤臣孽子，危於操心，深於慮患，故能達也。孟其進銳者，其退速，其進其退皆豆也，而爲起詞，銳速其表詞也。又然而夷子葬其親，厚則是以所賤事親也，夷子葬其親起詞，豆也。厚其表詞也。又海內之地方千里者九，方千里者起詞，豆也。九其表詞也。以上所引皆出孟子，如是句法，最爲習用，卽一書已不勝引矣。學者所當悉心玩索者也。所引諸句皆以靜字爲表詞，而起詞有名焉，有代字焉，有豆焉。下更引他書明之。

宣四畜老猶憚殺之，而況君子。畜起詞名也。老靜字，附後，其表詞也。猶云畜如老，猶憚殺也。故畜老兩字豆也。宣二晉靈公不君，表詞。晉靈公不成爲君也。此總冒之句。宣十二

楚軍討鄭，怒其貳而哀其卑。其貳其卑，皆動字後之。豆，其代
字，而爲起詞。貳卑兩字各爲表詞。宣十五，古人有言曰：雖鞭
之長，不及馬腹。天方授楚，未可與爭。雖晉之彊，能遠天乎？鞭
長晉彊，皆表詞之豆。間以之字者，明其爲豆也。詳後。秦策：今
攻韓劫天子，劫天子惡名也。而未必利也。又有不義之名，而
攻天下之所不欲危。危，靜字。表詞。又有不義之名，而攻天下
之所不欲者，起詞。豆也。留侯世家：蘇布天下猛將也。善用兵，
蘇布名也。起詞。善字表詞。猶云：蘇布善於用兵，故天下名將
也。豆也。用兵二字乃善字之司詞也。許國公神道碑：將兵數
日，人悉識其材。蘇勇性，指付必堪其事。其代字，起詞。下四靜

字其表詞也。猶云悉識其或爲材或爲鄙或爲勇或爲怯也。怕謂決言其已然之象也。蓋彼之爲材鄙勇怯者於未識之先已各成爲若斯矣。今之見爲若斯者乃識者目中決其如斯也。故曰已然之象也。人間世凡溢之類也。妄妄則其信之也莫莫則傳言者殃。妄莫殃三靜字皆表詞也。其起詞皆豆也。凡溢之類也。一豆妄字其表詞也。句止又妄一字爲表詞之豆。則其信之也莫句止莫豆則傳言者殃。句止。公隱元共爲尋卑也。微國人莫知。微表詞同上。如此句法甚多。如大學生之者衆。論語古之狂也肆。又其蔽也愚。諸排句皆此例也。惟爲君難爲臣不易兩句。其起詞爲頓。卽散動字與止詞并。

無起詞故也。夫然，楚築請與而復攻之，與之信，攻之武，夫陰楚太子弗出，不仁；又欲奪之東，地五百里，不義。其繕甲則可，不然則願待戰。信三十，因人之力而斃之不仁，失其所與不知，以亂易整，不武，吾其還也。所謂信武不仁不義又不仁不知不武皆表詞也。其起詞則皆頓也。至君子矜而不爭，羣而不黨，句以矜爭羣皆對待靜字，以爲表詞，故一是焉一非焉，而連以而字耳。似此句法，多不及引。

魏其列傳：天下者，高祖天下，父子相傳，此漢之約也。天下者起詞，高祖天下，偏正兩名也。其表詞也。猶云所謂天下者，乃高祖之天下也。此所謂用如靜字也。張敞傳：羣本臣敞所厚。

吏吏名也而爲舜之表詞猶云舜本是臣故所厚之吏也。察
藥虎者昆蟲人者甘餌。蠶餌皆名也而爲表詞用若靜字然
劉歆傳且此數家之事皆先帝所親論今上所考視其古文
舊書皆有效驗外內相應豈苟而已哉。此數家之事一頓起
詞也皆先帝所親論今上所考視兩豆皆爲表詞猶云此乃
先帝所親論者與今上所考視者也。公傳十六實石記聞聞
其填然視之則石察之則五又六鶴退飛記見也視之則六
察之則鶴石名也視之則石者猶云視之則見爲石故石爲
表詞所以決言其所見之象也與下句察之則五相對五靜
字之爲表詞也察之則鶴同解總之名字與頓豆皆可爲表

詞也

凡以表決斷口氣概以是非爲即乃諸字參於起表兩詞之間故諸字名斷辭或無斷辭則以助字煞之或兩者兼用焉亦可凡以助字爲助者其辭氣各異見助字篇內斷詞一曰決詞表詞後乎起詞者常也先之者惟咏嘆之句爲然

孟事孰爲大事親爲大守孰爲大守身爲大四句各爲問答皆有起表兩詞且各參以爲字所以斷之也猶云天下事何者爲最大之事答云守身之事乃至大也下兩句同秋水子非魚安知魚之樂子起詞魚名也而爲表詞參以非字所以斷其不然也傳二十八歸直爲壯曲爲老豈在久乎壯老兩

靜字各爲表詞。師直師曲兩頓。爲起詞。爲字參焉。所以決也。
留侯世家所與上從容言天下事甚衆。非天下所以存亡。故
不著。天下所以存亡。豈也。而爲表詞。其起詞乃蒙上文。非字
先乎表詞。所以決其不是也。叔孫通列傳。人臣無將。將即反。
將即反者。將即爲反也。即字所以決將之爲反也。李斯列傳。
夫斯乃上蔡布衣。乃字所以決斯之爲上蔡之布衣也。項羽
本紀。梁父鮑老將項燕。即字所以決兩人之爲一也。進學解。
投間置散。乃分之宜。乃字所以決言已之間散爲分所應當
也。爲字常與唯字呼應。最習用。如。庸唯天下至誠。爲能盡其
性。猶云能盡其性。唯天下至誠爲然耳。又唯天下至聖。爲能

聰明睿知，與唯天下至誠，爲能經綸天下之大經，以及論語
唯天爲大，又唯女子與小人爲難養也，諸句法皆同例也。

襄二十二詩，詩義之府也，禮樂德之則也，猶云詩書爲義之

府，禮樂卽德之則云也，助字以煞句，所以代決斷之口氣也。

昭十四叔向古之遺直也，同上，孟天之高也，星辰之遠也，荷

求其故，千歲之日至，可坐而致也，天與星辰起詞名也，高遠

靜字表詞也，也字決言其爲如此，猶云天雖是高，星辰雖是

遠，而能求其故則云云，庸天地之道，博也厚也高也明也悠

也久也，天地之道一頓，總冒爲起詞，以下六靜字各助也字，

所以決言其各爲如斯也，秋水無形者，數之所不能分也，不

可圖者數之所不能窮也。起表兩詞皆豆也。助以也字決兩

豆之爲一也。日者列傳此夫爲盜不操矛弧者也。攻而不用

弦刃者也。此代字而爲起詞。以下二豆皆表詞也。也字爲用

不一而用爲斷辭者。則惟以決理之是非也。酷吏列傳昔天

下之網嘗密矣。天下之網一頓而爲起詞。密其表詞。殿以矣

字。所以決事之曾爲如此也。高帝紀雖日不暇給。規摹弘遠

矣。同前。孟道則高矣美矣。宜若登天然。道起詞。高美表詞。助

以矣字。所以決言其所見之道爲如斯也。矣字習助靜字者。

所以肖其已然之象。故矣以言事也。以決理。此矣也兩字之

大較也。其詳與其同異。則詳於助字篇內。日者列傳能知別實

與不肖者寡矣。至者字一豆而爲起詞，寡字表詞，助矣字者，決其事之必然者也。次二子雖齊聖，不先父食久矣，秋水子固非魚也，子不知魚之樂全矣，高帝紀父老苦秦苛法久矣，秦策今王倍數險，行數千里而攻之，難矣，朱雲傳臣得下從龍逢比干遊於地下，足矣，李斯列傳君侯終不博通侯之印，歸於鄉里，明矣，諸句同前，蓋矣助靜字以決事，爲用至廣，叔孫通列傳此特羣盜鼠竊狗盜耳，此代字起詞，以下三名爲式，助以耳字者，所以決此人之只爲如斯也，耳字有決言只此之意，論管仲儉乎，管仲起詞，儉表詞，助以乎字者，疑而未決也，猶云管仲果儉否耶，秦策何秦之智而山東之愚耶。

智愚表詞助以耶字者設問以反決其何爲如斯也文帝紀
無乃百姓之從事於末以害農者蕃爲酒醪以靡穀者多六
畜之食焉者衆與三豆皆煞者字而爲起詞蕃多衆各爲句
之表詞而未助一與字直連以上二句所以決其疑之然與
否也天造然則君之所讀者古人之糟粕已夫君之所讀者
豆也起詞古人之糟粕一頓表詞助以已夫者決言事之誠
爲如斯也

孟城非不高也池非不深也兵革非不堅利也米粟非不多
也委而去之是地利不如人和也城池兵革米粟皆名也而
爲起詞不高不深等靜字各爲表詞參以非字斷詞以決其

不然復助也字以聲其決絕之辭氣所謂兩者兼用也又今人乍見孺子將入於井皆有怵惕惻隱之心非所以納交於孺子之父母也非所以要譽於鄉黨朋友也非惡其聲而然也後三句起詞蒙上故非字反決其後三句皆爲表詞然以也字辭氣更爲切實猶云見孺子瀕危而若斯者不是藉以交其父母之事亦不是因以得名於相識之人更不是不願聽其呼救之聲而爲之也孟齊卿之位不爲小矣齊滕之路不爲近矣旣以爲字決之又以矣字助之者所謂兼用也解同上張釋之傳而君以執奏之非吾所以共承宗廟意也非也二字兼用猶云不是吾敬祖之意

補客列傳此必是孫護

也是也二字兼用。蔡繁卽有助取者是商賈之人也。同上齊
物論庸詎知我所謂知之非不知耶。非耶二字同用。決所疑
也。孟夫夷子信以爲人之類其兄之子。爲若親其鄰之赤子
乎。信以爲後兩豆一起詞。一表詞。中參爲字以決其近似之
事。然以乎字搖曳其詞以設問也。有以爲若解作有若者。蓋
未知爲字之爲句眼耳。句眼二字。評文家嘗言之矣。其實卽
句豆之語詞耳。大宗師故善吾生者。乃所以善吾死也。乃也
兼用。以直決其然。起表兩詞皆豆也。

狀字先乎表詞。而有決斷口氣者。則斷辭助字皆可刪也。不刪
者。惟助字爲常。

賈誼傳夫樹國固必相疑之勢下數被其殃上數喪其憂甚
非所以安上而全下也固必二狀字相疑之勢表詞也猶云
夫樹國相敵必是相疑之勢理固然也有讀作樹國固爲一
頓者亦可惟與此疏文勢有別耳今以固必二狀字爲斷故
斷詞助字皆可從刪然末句甚非所以安上而全下也甚亦
狀字而非也二字兼用者蓋此句表詞乃所以安上而全下
之豆甚字不能狀豆則用非字以間之此句煞段則用也字
以助之率是故歟賈誼傳故曰選左右早誦教最急急表詞
最狀之即有決斷辭氣魏侯二晉國之使者其辭卑而幣重
必不便於虞便表詞必不兩狀字以決之至辭卑而幣重之

豆卑重二字後於名字皆爲表詞，唯以陳明其爲如何，並無
決斷口氣也。同爲表詞，有狀與無狀，微有輕重耳。劉仲舒傳

夫土之化下，下之從上，猶泥之在鈞，惟甄者之所爲，猶金之

在鎔，惟冶者之所爲。起表兩詞皆豆，中以猶字連之，所以決

其有似如是也。故猶字狀字也，而亦可視同同動字者，此也。

此乃相比句法，詳於論比篇內。論曰：必信行必果，硯硯然小

人哉。兩必字，所以狀其言之信行之果也。何奴列傳：其不可

使陳甚明，明爲甚狀，所以決其明之至也。魏策：大王加惠，以

大易小，甚善。又淮南王傳：薄昭書內，一言甚盛，四言甚厚，一

言甚過。後又言不賢不諠，不仁不仁，不詳諸句，皆靜字表詞。

各以甚不兩狀字爲斷而其起詞則皆長句與前引同一句法也。答呂監山人書足下行天下得此於八蓋寡。蓋狀字專較之辭所以斷言其寡也。此類狀字甚多卽反決狀字如不弗未等字皆此例也。與衛中行書然所稱道過盛過字同上。許國公神道碑今見在人莫如韓甥且其功最大而材又俊最大又俊皆以狀表詞而有決斷之口氣也。論天旱人飢狀所徵至少所放至多上恩雖弘下困猶甚上兩句表詞至字狀之下兩句則雖猶二連字亦厲有決斷辭氣統觀以上所引諸句斷辭助字皆兩刪者也。

孟子誠齊人也誠狀齊人更以也字助之以申其決辭也猶

云子真是齊人也已。田子方言所學者，真士梗耳，真狀上梗
加耳，以重其所決之不謬。叔孫通列傳若與鄙儒也同上。周
原列傳離騷者猶離憂也猶亦狀也。魏志王粲傳諸子但爲
未及古人，自一時之儔也。但狀字以狀爲字斷詞，一時之儔
頓也。表詞自字狀之，更以也字助之，而無斷詞。蓋狀字斷詞
與助字皆備者，誠罕見也。論語不亦君子乎，亦惟有狀助耳。
以爲二字有解作謂辭者，有解作以此爲彼者。前論同次已言
之矣。解作以此爲彼者，則爲字爲斷詞，其後卽爲表詞。書籍中
最爲習用，至以字詞可先可後，或言或不言，又詳於介字篇
內，此非所論也。

孟子非其道則一簞食不可受於人如其道則舜受堯之天下
不以爲泰子以爲泰乎不以爲泰者不以受天下爲泰也
故泰靜字在爲字後而爲表詞其起詞卽以字司詞乃蒙上
文而言又吾必以仲子爲巨擘焉巨擘名字而爲表詞以字
司詞仲子也又我欲行禮子敖以我爲簡不亦異乎以後我
字其司詞也爲字後簡字其表詞也至如百姓皆以王爲愛
也堯以不得舜爲己憂以友天下之善士爲未足不知者以
爲爲肉也其知者以爲爲無禮也諸句皆同萬石君傳不敢
令萬石君知以爲常以爲常者以不令知之事爲常也常靜
字而爲表詞也張耳陳餘列傳豈以臣爲重去將哉重表詞

去將其司詞、臣則以字司詞也、貢禹傳何以孝弟爲、財多而
光榮何以禮義爲、史書而仕宦、猶云以孝弟爲何、以禮義爲
何也、何字先置者、詢問代字也、胡良公墓神道碑沈浮聞巷
閭、不以事自累爲貴、貴表詞、以事自累一頓、以之司詞、嚴休
十吾將自殺以安吾君、以重耳爲寄矣、以重耳爲寄者、以重
耳爲付託也、猶曹參世家云、以齊獄市爲寄、慎勿擾也、後漢
后紀陽以博施爲德、陰以不專爲義、薛君墓誌銘君少氣高、
爲文有氣力、務出於奇、以不同俗爲主、與陸員外書執事好
賢樂善、孜孜以明是非、薦進良士爲己任、魏公子列傳市人
皆以贏爲小人、而以公子爲長者也、昭二十八鉤將皆死、穆

使吾君聞勝與成之死也。以爲快。張敞傳。天下必以陛下爲
不忘功德。而朝廷爲知禮。又云。擊虜以殄滅爲期。小利不足
食。又云。常以遠斥侯爲務。行必爲戰備。止必堅營壁。淮陰侯
列傳。今足下自以與漢王爲厚交。答胡生書。所示千百言。略
不及此。而以不屢相見爲要。謝相知爲急。所引皆以此爲彼
之解。

以爲解作謂辭者。汲鄒列傳。臣愚以爲陛下得胡人。皆以爲
奴婢。以賜從軍死事者家。上以爲謂辭也。揣度之辭也。下以
爲者。以所得胡人當作奴婢也。司馬遷傳。僕以爲賊盜何以
望天。以爲者。意謂也。馮唐列傳。臣愚以爲陛下法太明。賞太

輕罰太重。淮陰侯列傳。故臣以爲足下必漢王之不誤已。亦
誤矣。曹相國世家。惠帝見相國不治事。以爲豈少戢哉。李將軍
列傳。以爲李廣老。數奇。上留守鄴。相公書。屢以爲大君子
爲政。當有權變。初似小異。要歸於正耳。論仲選舉狀。以臣之
愚。以爲宜求純信之士。骨傾之臣。憂國如家。忘身奉土者。起
其爵位。置在左右。所引以爲皆連用。而解作意謂者也。

以爲二字。間有以此作爲彼者之意。則爲字不僅爲斷詞。且
爲動字而有作用矣。孟恭儉豈可以聲音笑貌爲哉。猶云豈
可以聲音笑貌即作爲恭儉乎。爲動字也。大宛列傳。安息以
銀爲錢。如其王面。王死。慟更錢。效王面焉。又畫革旁行。以爲

青記以銀爲錢者以銀鑄爲錢也以爲書記者以勞行作爲
書記也。周唐列傳景帝立以唐爲楚相猶云以馮唐作爲楚
相也。荆湘唱和詩所非性能而好之則不暇以爲猶云不暇
以作詩也以爲二字煞句者蓋爲之止詞可蒙上也。若如原
解則表詞不能無矣。經史以爲二字習作此用學者所不可
忽也。

論比三之九

凡色相之麗於體也至不齊也。同一靜字以所肖者淺深不能
一律而律其不一所謂比也。象靜爲比有三曰平比曰差比曰
極比。

平比者凡象靜字以比兩端無軒輊而適相等者也等之字
爲如若猶由諸字參諸所比兩端以准其平

山木君子之交淡若水小人之交甘若醴淡甘兩象靜也附

諸名後所以比也其所比之兩端一則君子之交與水一則
小人之交與醴也今以淡若二字參諸君子之交與水之間
猶云君子相交之淡與水之淡無軒輊也又以甘若二字參
於小人之交與醴之間猶云小人相交之甘與醴之甘適相
等也此所謂平比兩端無軒輊而適相等者也荀子議兵而
其民之親我敵若父母其好我芬若芝蘭猶云民親我之歡
與親父母之歡同民好我之芬與椒蘭之芬同也餘同上後

澗西衍傳馬子以爲大人之德。碌碌如玉。落落如石。碌碌落
落兩重言。用如靜字。如同若。解同上。後漢黃憲傳叔度汪汪
若千頃之波。皆同上。送楊少尹序至今照人耳目。赫赫若前
日事。赫赫用如靜字。餘同上。項羽本紀猛如虎。狠如羊。貪如
狼。強不可使者皆斬之。猶云其人如虎之猛。如羊之狠。加狠
之貪。云云。王若基訪卽我得一卷。粗若告身者。兩端者一卷
與告身也。粗若二字。所以平比也。董府君墓誌銘實按門下。
推奉人士侍側無虛口。退而見其人。談若與之無情者。淡以
象退見之情。猶云退見其人。淡漠之容。一若與其人未曾用
情者也。故所比兩端皆豆也。淡若參之卽以連焉。

靜字有位於兩端之後者，則靜字惟肖第二端耳。

魏其列傳察宗室諸人母如寶嬰賢賢靜字所以比也所比
兩端卽母與寶嬰也今賢字置於寶嬰後所謂後於兩端也
而仍以如字參於母與寶嬰之間賢字後於寶嬰者惟以肖
寶嬰卽所比之第二端也猶云察宗室諸寶之中無有人如
寶嬰之賢也若從前式應云無人有賢如寶嬰者則賢字惟
肖第一端也凡兩端相比其所以比者必有一隱而不出者
此也上劍相公啓願失大君子緝芥意如邱山重猶云重如
邱山也

有若如猶諸字以等兩端而無象靜以比者則所比之情必隱

寓於兩端矣。如下端爲豆，則比事理者，助以也字，比人者，助以者字，比容者，助以然字，此大較也。

迤迤邐肌膚若冰雪，綽約若處子。肌膚冰雪，綽約處子，各爲兩端，等以若字，猶云肌膚之白若冰雪，綽約之態若處子也。不言白與態者，蓋肌膚尙白，而冰雪爲最綽約，言態而處子獨多，故白與態隱寓於所比之端，不待顯言而自明矣。列無寔故其就義若渴者，其去義若熱，猶云故有勇於爲義，急若渴而不可待之人，即他日棄義速若熱之不可嚮邇也。故其就義之於渴，與去義之於熱，已隱寓急速諸字，可不必明言矣。而天時不如地利，地利不如人和，不如者，不等也，猶云天

時不如地利之爲可恃也其可恃之情不言自明高帝紀相
人多矣無如季相猶云予相人多矣未見人有如季相貴者
也不言貴而上下兩端已隱言之矣許國公神道碑今見在
人莫如韓甥猶云見在人中無有如韓甥之賢者也

孟以齊王由反手也猶云以齊國之大而行王道易如人之
反手也此言大國易王之理反手爲豆故助以也字至相比
極易之意隱寓於上下兩豆不言自明論子曰可也未若貧
而樂富而好禮者也此言所以不若之理且爲長豆故助也
字匈奴列傳其得漢糧絮以馳草棘中衣袴皆裂以示不如
旃裘之完善也得漢食物皆去之以示不如漢幣之便美也

此言所比之理也。蜀志謝安傳。安之有孔明。猶魚之有水也。此比其相需之理。陳王侯列傳。懷之恩。如寒人不忘起。盲者不忘視也。此言不得不思之情理也。凡煞也字。雖指一事。必其事爲常有者。無有今昔之限。是則事與理相同矣。送王秀才序。遊於陽墨老莊佛之學。而欲之聖人之道。猶航斷港。絕潢以望。至於悔也。此比由邪道而不得至正道之理也。送石處士序。與之語道理。論古今事當否。論人高下事後當成敗。若河決下流而東注。若驅馬加輕車。就熟路而王良造父爲之先後也。若燭照數計而龜卜也。二三若字。後三豆以譬其言。理論事評人之不失也。

高石看傳至廷見如不能言者猶云至廷見時其囁嚅之情一若不能言之人也如後之豆助以者字以比如是之人也所謂囁嚅之情乃所以比兩端者今隱寓句中不言可明一公子列傳於是公子立自責似若無所容者猶云公子自責其愧悔之狀一如無地以自容之人也

一人之視己如見其肺肝然猶云人視己之明可達隱微一

若見其內藏之肺肝也譬豆後然以然字者以比明見之狀

也其實卽以狀豆內之視字也達生善養生者若牧羊然視

其後者而視之若牧羊然以狀其養生之善也

辭如父子然如父子然比同游之狀也

有煞以耳字者、以言所爲比者、如是而已也。如鄧列傳至如
說丞相弘、如發蒙振落耳、如後煞耳字、言說丞相弘之易、不
過如發蒙振落而已也。封禪書言讀得如黃帝、言得去妻子
如脫躡耳、猶云去妻子易、如脫躡而已也。賈誼列傳陛下用
郡臣、如積薪耳、猶云用人之法、不過如積薪而已。

有時以比附於一端之後、一若助字者然。爲人求事實今幸
親天子、每歲詔公卿大夫、如某等比、如某等比、卽比如
某等也、比字後者、以足文氣也。柳子厚墓誌銘一旦歸小利
害、僅如毛髮比、若云比如毛髮、或云僅如毛髮、皆不文也、學
者當細玩之。

差比者、兩端相較有差也、差之之字、概爲於字、于乎兩字亦間用焉、其所以爲較者、則象靜字表之、

論季氏富於周公、季氏周公相較之兩端也、其所以爲較者、富也、富、象靜字也、差其所較者、於字也、猶云季氏與周公較富、則此差於彼也、孟德之流行、速於置郵而傳命、此以郵傳較德行之速也、凡差比一如平比、必有隱含之字、在此句如字字言明、當云德之流行速於置郵而傳命之速也、下速字不言者、可不言也、前句當云富於周公之富也、平比如君子之交淡若水、當云淡若水之淡也、蓋所以爲平者、非周公也、非水也、乃周公之富與水之淡也、姑記於此、以俟反隅、孟子

比句不一而足。王如知此，則無望民之多於隣國也。且王者之不作，未有疏於此時者也。民之憔悴於虐政，未有甚於此時者也。以予觀於夫子，賢於堯舜遠矣。故君子莫大乎與人爲善。其心曰：是何足與言仁義也。云爾。則不敬莫大乎是。脅肩諂笑，病于夏畦。存乎人者，莫良於眸子。人人有貴於己者，方寸之木，可使高於岑樓。等句皆有靜字爲較，而有於字爲差。不以於而以乎者二，以于者一。列禦寇凡人心，險於山川，難於仰天。天猶有春夏秋冬夏旦暮之期。人者，厚貌深情。曰險於難於，皆以爲較勝之辭也。哀十一吾不如顏羽而賢於祁洩。酷吏列傳王溫舒等後起，治酷於禹。莊九管夷吾治於高

後使相可也。惟陰侯列傳今足下欲行忠信以交於漢王必
不能固於二君之相與也。而事多大於張堅陳澤。襄二十七
聚其族焉而居之。富於其舊。張釋之列傳且下之化上疾於
景饗平原君列傳毛先生以三寸之舌強於百萬之師。趙策
老臣竊以爲媼之愛燕后賢於長安君。庚桑楚兵莫階於志。
鎮鄒爲下寇莫大於陰陽無所逃於天地之間。齊物論天下
莫大於秋毫之末。而泰山爲小。莫壽乎殤子。而彭祖爲天。外
成傳此迺孝成皇帝至思。所以萬萬於衆臣。上于相公。書夫
馬之智。不賢於夷吾。農之能。不聖於仲尼。許國公神道碑人
得一笑話。重於金帛之賜。以上所引。皆靜字爲比。而綴以於

字也。荀子樂厚篇與人善言，緩于布帛，傷人之言，深于矛戟。六莫見乎隱，莫顯乎微。以上兩引一以于字，一以乎字爲差也。呂氏春秋愛士篇人之困窮甚如飢渴，此如代於，蓋不多見。大宛列傳然以畏匈奴於漢使焉，猶云畏匈奴甚於漢使焉，不言其字意自明也。

焉有於此之解，故差比率用焉字爲煞以代之，然必有有無莫等字爲首端乃可。孟子習用之。

孟反身而誠，樂莫大焉，強恕而行，求仁莫近焉。樂莫大焉者，樂莫大於此也。此指反身而誠之一豆也。求仁莫近焉，倣此。又晉國天下莫強焉，莫強焉者，莫強於此也。此指晉國曰殆。

有甚焉即甚於此也此指緣木求魚也上有好者下必有甚焉者矣甚焉者即甚於此也此指上之好也離則不祥莫大焉猶云則不祥莫有大於是者諸所引其首端非莫字即有字也

差比有不用於字者則首端大概爲無莫等字而簡鍊短句即無無莫等字於字亦從刪焉

秦策微臣所甚悅者無大大王唯備之所甚願爲臣者亦無

大大王無大大王者即無大於大王也文帝本紀宗室將相

上侯以爲莫宜寡人莫宜寡人者莫宜於寡人也以上兩引

其所比之首端一爲無一爲莫皆代字也王吉傳諸侯骨肉

莫親大王賈捐之傳人情莫親父子莫親夫婦魏策吾所賢
無過堯舜堯舜名所大者無大天地天地名今母賢不過堯
舜母大不過天地是以名母也譏兵是亡國之兵也兵其弱
是矣皆解如前

後漢班固傳二班懷文載成帝墳比良遷董兼麗卿雲猶云
比良於遷董兼麗於卿雲夫然則不句矣故刪於字廉頗列
而退而讓頗名重太山猶云重於太山也游俠列傳長趨人
之急甚己之私猶云甚於己之私也送溫處士序夫冀北馬
多天下即多於天下也諸所引皆去於字此鍊句之法也
極比者言將所以比之象推至於極也其式有二

一於所比之中而見爲極者。極之之字。最字最習用。或先象靜。或先動字皆可。獨用則或冠句首。或殿句尾。用如表詞者。然或不言所比與者。必其可以意會者也。

臨史列傳然居二千石中。最爲暴酷驕恣。暴酷驕恣靜字。即所以比之象也。今以最字先於爲字。以言其極。猶云由於二千石之中。最暴酷。最驕恣也。卽所謂於所比之中而見爲極也。故所比之後。往往綴以中間諸字者。此也。萬石君列傳慶於諸子中。最爲閑易矣。解同上。平原君列傳諸子中。勝最賢。此最字先於靜字。南海神廟碑。海于天地間爲物最鉅。猶云海於天地萬物之中。最爲鉅物也。與李尚書書。愈於久。故游

從之中、伏蒙恩獎、知得最深最厚、無有比者、猶云愈比諸舊
游之中、恩待最爲深厚也、封禪書其在秦中、最小鬼之神者、
猶云在秦地諸小鬼之中、彼爲最神也、貨殖列傳七十之徒、
則最爲醜益、不言七十子之徒中者、可自明也、餘同上、萬石
君列傳諸子孫咸孝、然建最甚、甚於萬石君、然建最甚一句、
不言所比者、上文諸子孫可意會也、留侯世家上平生所憎、
羣臣所共知、誰最甚者、猶云於羣臣知上平生所憎者之中、
誰最甚者也、典鄭州公書鄭氏兄弟惟最小者在東都、猶云
鄭氏兄弟之中也、送湖南李正字序愈於太傅府年最少、猶
云於太傅府諸人之中也、五帝紀諸侯咸來賓從、而崇尤最、

爲暴猶云諸侯之中蚩尤最暴故不賓從也鄭玄傳中西域而立莫府師古云中西域者言最處諸國之中遠近均也猶云處諸國最中之處也與諸國相較適處最中之地故凡言最者必有與比者而後見其爲最也無與比者蓋不必言傳可以意會也師古以最字冠乎句首以表起詞所處之位也毛穎傳戰國時有毛公毛遂蜀中山之族不知其本所出于孫最爲蕃昌猶云諸姓毛者惟中山之族最蕃昌也送殷員外序四方萬國惟回爲於唐最親奉祿尤謹猶云方外諸國中國鵠國最親於唐也賈誼列傳是時賈生年二十餘最爲少猶云賈生在諸臣中年最少也不言與比者可意會也絳

文十二叔孫得臣最善射者也猶云叔孫得臣於射者之中

最爲善射者也選孟東野事漢之時司馬遷相如楊雄最其

善鳴者也猶云漢之時諸善鳴者之中三人爲最也故最在

句首用如表詞必如此解其者二字乃有著落晏子雜錄嬰

最不肖故直便楚矣猶云諸臣中嬰最不肖也不言與比者

意自明也封禪書成山斗入海最居齊東北陽以迎日出云

猶云諸山中成山斗入海居齊最東北方向陽以迎日出云

最先動字亦用如表詞也衛將軍列傳最大將軍青凡七出

擊匈奴云云最一字句上文云左方兩大將軍及裨將軍名

下接此句猶云諸大將軍裨將中惟大將軍青七出擊斬無

算爲最也故最冠句首用若表詞然尹翁歸傳斷獄大派爲

天下最最殿句尾表詞也猶云爲天下守之最也太原王公

神道碑政成爲天下守之最同上劉正夫書漢朝人莫不能

爲文獨司馬相如太史公劉向楊雄稱之最爲之最者爲諸

人中之最也之字用爲分母前言之矣前引三句同義最殿

句尾皆表詞也

一泛稱夫極者即用至極甚等字或先名字或先靜字以極其所至而無與比者相提並論也

論秦伯其可謂至德也已註云至德謂德之至極無以復加者也德字名也至字先之以推言德之至極也然未言何者

與比而見爲如此也。此卽所謂泛稱夫極也。秋水至細之倪，至大之域。又云：至精無形，至大不可同。庚桑楚故曰：至禮有
不人，至義不物，至知不謀，至仁無親，至信辟金。引秋水句，至
先靜字，引庚桑楚句，至先名字，皆泛稱其極，而並未言及與
比者也。賈誼備至孝也，至仁也，至明也，日夜念此至然也，材
之不逮至遠也，德至渥也，又至不敬也，至亡已也，而禮之所
爲至難知也。等語，皆以至字或先名字，或先靜字，以極言之
也。凡縱橫家語多極辭者，所以鋪張也。義二十九非其盛德
其蔑以加矣。甚字，所以甚言其德之盛也。淮南王傳：薄昭予
王書一言甚盛，四言甚辱，皆以甚字先乎靜字，以泛言其極。

也。則齊列傳且吾所爲者極難耳。極字先靜字同上。增拾義

又常祭律衆合祭其祭則是太祖所屈之祭至少所伸之祭

至多兩甚字兩至字皆先靜字同上

或動字或名字後續以之至之極之盛諸語者凡以推極其至也。

孟寡助之至親戚畔之多助之至天下順之寡助之至者推

言助者之寡至於其極也多助之至者推言助者之多至於

其極也助動字也之至二字續於其後所加之義有如此者

留侯世家此布衣之極於良足矣布衣名也之極二字續之

猶云一布衣之賤而榮至於此極良願足矣老子至治之極

隣國相望猶云至治而至於其極也則隣國相望矣匈奴列

侍室屋之極生力必屈猶云室屋之工而至於其極也則生

力必屈矣黃指之傳臣聞堯舜之盛也聖名也之盛二字

續之猶云聖之無可聖也德充符平者水体之盛也猶云水

平者乃停水至平之境也人間世是以夫事其親者不擇地

而安之孝之至也夫事其君者不擇事而安之忠之盛也孝

之至忠之盛皆推言忠孝以至於其極也

不言極至而言尤甚亦有一式一有所比而見其尤者二泛言

夫尤者要概以尤益等字以發明之

臨屯列傳於故人子弟為吏及貧昆弟誦讀之尤厚調護之

尤厚者待之較他人更厚也。不言所比而自明也。大宛列傳

乃案言伐大宛尤不便者鄧光等言伐大宛尤不便者所言

不便較他人更甚也。此亦不明言所比也。伯夷列傳此其尤

大彰明較著者也。同上。張禹傳西成獄弟子尤著者淮陽彭

宣至大司空沛郡數崇至少府尤卿尤著者亦同上。以上所

引尤字皆先靜字有單用者則或助以者字或先以其字要

以明所尤耳。昭元尤不信之尤者乎猶云最爲不信之尤也。

者字指不信之人。與陸員外書文章之尤者有侯齊者尤者

同上。送孟東野序李錡張籍其尤也其字指從吾游者猶云

於從吾遊者之中李張爲最也。送溫處士序初取一人焉故

其尤善取一人焉，拔其尤，其字亦指上文解同前。

孟如水益深，如火益熱，又李斯列傳法令誅罰日益刻深，益

字先乎靜字，不過泛言更甚之意耳，有兩句各有益甚等字，

以明其相關之義者，徐無鬼不亦去人滋久，思人滋深乎，滋

字解同益字，猶云離人之時愈久，則思人之念愈深也，故滋

字重用，以明其相關之義也，最字亦然，賈誼列傳淮陰王楚

最強，則最先反，猶云其國最強者，則反時亦最先也，至靜字

於一句中用兩次者，亦有極比之意，讀荀孟氏醕乎醕者也，

醕字句中用兩次，猶云孟氏乃醕中之最醕者也，趙充國

備戰而百勝，非善之善者也，猶云非善中之最善者也，以上

所引有類比焉，故附引焉。

文通卷之三終